



ЎЗБЕКИСТОН РЕСПУБЛИКАСИ
КОРРУПЦИЯГА ҚАРШИ
КУРАШИШ АГЕНТЛИГИ

КОРРУПЦИЯГА ҚАРШИ КУРАШИШ ТЎҒРИСИДА
МИЛЛИЙ МАЪРУЗА
(2024 йил)

ТОШКЕНТ 2025

МУНДАРИЖА

Кириш.....	3
Асосий қисм.....	4
1. Коррупцияга қарши курашиш соҳасида норматив-ҳуқуқий базани такомиллаштириш	4
2. Коррупцияга оид ҳуқуқбузарликлар статистикаси	9
3. Коррупцияга қарши курашиш бўйича 2023-2024 йилларга мўлжалланган давлат дастури ижроси	14
4. Ваколатли давлат органларининг коррупцияга қарши курашишдаги фаолияти	18
5. Норматив-ҳуқуқий ҳужжатлар ва улар лойиҳаларининг коррупцияга қарши экспертизаси	30
6. Коррупциянинг олдини олишга қаратилган замонавий механизмларнинг жорий этилиши	33
7. Давлат органлари фаолиятини рақамлаштириш	38
8. Алоҳида соҳаларда коррупция хавф-хатарларининг таҳлили ҳамда коррупцияга имкон бераётган омилларни бартараф этиш	43
9. Коррупцияга қарши курашишда жамоатчилик иштироки	52
9.1 Ёшларда коррупцияга қарши курашиш иммунитетини шакллантириш	52
9.2 ННТ ва ОАВларнинг коррупцияга қарши курашишдаги иштирокини кенгайтириш	55
9.3 Давлат органлари ҳузуридаги жамоатчилик кенгашлари фаолияти.....	59
10. Коррупцияга қарши курашиш миллий кенгаши ва унинг ҳудудий кенгашлари.....	61
11. Миллий рейтинг ва индекслар.....	64
11.1 Коррупцияга қарши курашиш ишларининг самарадорлигини рейтинг баҳолаш.....	64
11.2 Давлат органлари ва ташкилотларининг Очиқлик индекси	66
12. Мамлакатда коррупция даражаси бўйича жамоатчилик фикри	70
13. Халқаро рейтинг ва индекслар.....	73
Хулоса	78
Илова.....	80

КИРИШ

Ўзбекистон Республикасида коррупцияга қарши курашиш тўғрисида миллий маъруза янги таҳрирдаги Ўзбекистон Республикаси Конституциясининг 93-моддаси ва “Коррупцияга қарши курашиш тўғрисида”ги Қонуннинг 8¹-моддасида белгиланган нормаларнинг ижросини таъминлаш мақсадида тайёрланди.

Миллий маърузанинг мақсади Ўзбекистонда коррупцияга қарши курашиш соҳасида олиб борилаётган давлат сиёсатининг мазмун-моҳияти, ушбу йўналишда **2024 йилда** амалга оширилган ислохотлар ва уларнинг натижалари тўғрисида жамоатчиликни хабардор қилиш ҳисобланади.

Миллий маъруза Коррупцияга қарши курашиш агентлиги (кейинги ўринларда – Агентлик деб юритилади) томонидан тайёрланган **тўртинчи маъруза** ҳисобланади.

Миллий маърузада мамлакатимизда коррупцияга қарши курашиш соҳасида амалга оширилган ислохотлар ва комплекс чора-тадбирлар, хусусан, коррупцияга қарши курашиш бўйича давлат дастурларининг ижроси, соҳага оид қабул қилинган норматив-ҳуқуқий ҳужжатлар, коррупцияга оид жиноятчилик тенденцияси, давлат органлари ва ташкилотларининг коррупциянинг олдини олишдаги фаолияти бўйича атрофлича маълумотлар берилган.

Бундан ташқари, давлат органлари ва ташкилотларида коррупцияга қарши курашиш ишларининг самарадорлиги рейтинги, давлат органлари фаолиятининг очиқлигини баҳолашга қаратилган Очиқлик индекси, аҳолининг коррупцияга нисбатан муносабати ва ижтимоий сўровлар натижалари баён этилган.

Коррупцияга қарши курашишда фуқаролик жамияти институтларининг иштироки, ёшларда коррупцияга қарши курашиш бўйича иммунитетни шакллантириш, давлат органлари ҳузуридаги жамоатчилик кенгашлари фаолиятини мониторинг қилиш натижалари тақдим этилган.

Шунингдек, ислохотлар изчиллигини таъминлаш мақсадида истиқболдаги вазифалар, уларни амалга ошириш механизмлари бўйича таклифлар шакллантирилган.

Миллий маъруза тузилиши жиҳатдан кириш, **13 та параграф**, хулоса, таклиф ва тавсиялар қисмидан иборат.

Миллий маъруза кенг жамоатчилик, хусусан, давлат органлари вакиллари, мустақил экспертлар, рейтинг агентликлари, жамоатчилик фаоллари, олимлар ва бошқа шахслар учун мўлжалланган.

1

КОРРУПЦИЯГА ҚАРШИ КУРАШИШ СОҲАСИДА НОРМАТИВ-ҲУҚУҚИЙ БАЗАНИ ТАКОМИЛЛАШТИРИШ

2024 йилда коррупцияга қарши курашиш соҳасида амалга оширилаётган ислохотларни ҳуқуқий таъминлашга қаратилган **қуйидаги 8 та** норматив-ҳуқуқий ҳужжат қабул қилинди:

1 Ўзбекистон Республикасининг **“Манфаатлар тўқнашуви тўғрисида”**ги қонуни (2024 йил 5 июнь, ЎРҚ–931-сон).

Қонун билан:



манфаатлар тўқнашуви тушунчаси, қонун татбиқ этиладиган ташкилотлар, уларнинг ҳуқуқ ва мажбуриятлари, манфаатлар тўқнашувининг олдини олиш бўйича чекловлар ўрнатилди;



Агентлик манфаатлар тўқнашуви билан боғлиқ муносабатларни тартибга солиш бўйича махсус ваколатли давлат органи этиб белгиланди;



манфаатлар тўқнашуви ҳақида хабар бериш, декларация тақдим этиш, реестр юритиш, манфаатлар тўқнашувини аниқлаш механизмлари жорий этилди;



манфаатлар тўқнашуви тўғрисидаги қонунчилик талабларини бажармаганлик учун маъмурий жавобгарлик (МЖТК 193⁴-модда) белгиланди.

Қонунга кўра, давлат органларида манфаатлар тўқнашуви билан боғлиқ муносабатларни тартибга солишда қуйидаги субъектлар иштирок этади:

- Агентлик – махсус ваколатли давлат органи;
- давлат органлари ва ташкилотларидаги коррупцияга қарши ички назорат тузилмаси ёки кадрлар бўлинмалари – махсус бўлинма;
- давлат органлари ва ташкилотларидаги одоб-ахлоқ комиссияси.

- 2** Ўзбекистон Республикаси Президентининг **“Манфаатлар тўқнашуви тўғрисида”ги қонун ижросини самарали ташкил этиш чора-тадбирлари тўғрисида**”ги қарори (2024 йил 5 июнь, ПҚ-210-сон).

Қарор билан:

-  “Манфаатлар тўқнашуви тўғрисида”ги қонун ижросини ташкил этиш ишларини мувофиқлаштириш бўйича Республика идоралараро комиссияси ташкил этилди;
-  Қонун ижроси доирасида 2024 йилда амалга ошириладиган ишлар юзасидан “Йўл харитаси” тасдиқланди;
-  ҳар чоракда давлат органлари ва ташкилотлари кесимида манфаатлар тўқнашувига йўл қўйилган ҳолатларни таҳлил қилиш, бундай ҳолатлар кўпайган давлат органлари ва ташкилотларига кечиктириб бўлмайдиган чораларни белгилаш учун тақдимномалар киритиш;
-  ҳар ярим йилда манфаатлар тўқнашуви ҳолатларини аниқлаш ва уларни бартараф этиш бўйича кўрилаётган чоралар Республика идоралараро комиссияси йиғилишларида танқидий муҳокама қилиб борилиши белгиланди.

- 3** Ўзбекистон Республикаси Президентининг **“Аҳоли ва давлат хизматчиларининг коррупцияга қарши курашиш соҳасидаги билимларини узлуксиз ошириш тизимини жорий қилиш чора-тадбирлари тўғрисида**”ги қарори (2024 йил 21 июнь, ПҚ–228-сон).

Қарор билан:

-  2025 йил 1 январдан “Коррупцияга қарши курашиш виртуал академияси” электрон платформасини ишга тушириш;
-  коррупцияга қарши курашиш соҳасидаги илмий тадқиқотлар электрон базасини шакллантириш белгиланди.

Виртуал академияда ўқитиш қўйидаги контингент учун мўлжалланган:

-  аҳоли, тадбиркорлик субъектлари, нодавлат нотижорат ташкилотлари ва бошқа фуқаролик жамияти институтлари вакиллари;
-  таълим ташкилотлари тарбияланувчилари, ўқувчилари ва талабалари;
-  давлат органлари ва ташкилотларининг давлат хизматчилари (ҳар 3 йилда бир марта мажбурий ўқитилади);
-  давлат иштирокидаги корхоналарнинг ходимлари.
-  Виртуал академияда ўқитиш базавий ҳамда махсус ўқув курслар шаклида ташкил этилади.

4 Ўзбекистон Республикасининг “**Спорт соҳасида коррупциянинг олдини олиш мақсадида Ўзбекистон Республикасининг Жиноят кодексига қўшимчалар киритиш тўғрисида**”ги қонуни (2024 йил 4 ноябрь, ЎРҚ-988-сон).

Қонун билан спорт соҳасида коррупциявий ҳуқуқбузарлик учун Жиноят кодекси янги 214¹ ва 214²-моддалари билан тўлдирилди.

Унга кўра, спорт мусобақалари иштирокчилари ва ташкилотчиларининг қонунга хилоф равишда моддий қимматликлар олганлиги ёки мулкӣ манфаатдор бўлганлиги, шунингдек, спорт мусобақалари иштирокчилари ва ташкилотчиларини пора эвазига оғдириб олганлик учун жиноий жавобгарлик белгиланди.

5 Вазирлар Маҳкамасининг “**2024 йилда норматив-ҳуқуқий ҳужжатларни коррупцияга қарши экспертизадан ўтказиш чора-тадбирлари тўғрисида**”ги қарори (2024 йил 16 апрель, 205-сон).

Қарор билан фуқаролик, оила, ахборот ва ахборотлаштириш, таълим, фан ва маданият тўғрисидаги амалдаги қонунчилик ҳужжатларини коррупцияга қарши экспертизадан ўтказиш режалари тасдиқланди.

Ўзбекистон Республикаси Адлия вазирлигига давлат органлари ва ташкилотларининг таклифлари асосида коррупцияга қарши экспертиза натижалари бўйича аниқланган коррупциявий омилларни бартараф этиш юзасидан “Йўл харитаси”ни ишлаб чиқиш вазифаси юклатилди.

6 Вазирлар Маҳкамасининг “**Давлат органлари ва ташкилотларининг очиқликни таъминлаш соҳасидаги норматив-ҳуқуқий ҳужжатларда белгиланган мажбуриятларга риоя этилишини масофадан мониторинг қилиш тартиби тўғрисидаги низомни тасдиқлаш ҳақида**”ги қарори (2024 йил 30 декабрь, 910-сон).

Қарор билан Агентлик томонидан давлат органлари ва ташкилотлари фаолияти очиқлигини масофавий мониторинг қилиш асослари, тартиби ва муддатлари, натижаларини расмийлаштириш ва таъсир чораларини қўллаш тартиби белгиланди.

Унга кўра, масофадан мониторинг қилиш режали ва режадан ташқари ўтказилиши ҳамда муддати ўн беш иш кунидан (бир ойга узайтирилиши мумкин) ошмаслиги лозим.

Масофадан мониторинг қилиш якуни бўйича аниқланган камчиликлар юзасидан Агентлик томонидан қўйидаги таъсир чоралари қўлланиши мумкин:

-  ҳуқуқбузарлик ҳолатларининг олдини олиш ҳақида ёзма равишда огоҳнома юбориш;
-  қонунчилик ҳужжатларида белгиланган талабларнинг бузилиши сабаблари ва бунга имконият яратиб берган шарт-шароитларни бартараф этиш тўғрисида тақдимнома киритиш;
-  очиқ маълумотлар сифатида жойлаштирилиши лозим бўлган ижтимоий аҳамиятга молик маълумотларни эълон қилмаганлик учун маъмурий баённома расмийлаштириш.

Шунингдек, Низом билан давлат органлари ва ташкилотлари томонидан очиқ маълумотлар сифатида жойлаштирилиши лозим бўлган ижтимоий аҳамиятга молик маълумотларнинг намунавий шакллари тасдиқланди.

7 «**Коррупцияга қарши курашиш виртуал академияси**» электрон платформасида ўқитишни ташкил этиш тартиби тўғрисидаги низом тасдиқланди (Ўзбекистон Республикаси Адлия вазирлиги томонидан 2024 йил 30 октябрда 3565-рақам билан давлат рўйхатидан ўтказилган).

Низомга мувофиқ, Коррупцияга қарши курашиш виртуал академиясида ўқув фаолиятини ташкил этиш ва юритиш Агентлик ҳамда Ҳуқуқни муҳофаза қилиш академияси томонидан амалга оширилади.

Виртуал академияда ўқитиш базавий (барча фойдаланувчилар учун бепул) ҳамда махсус (тўлов-шартнома асосида) ўқув курслари бўйича йўлга қўйилади.



Махсус ўқув курсларида малака ошириш барча давлат хизматчилари учун мажбурий ҳисобланади, бунда:

- ишга қабул қилинганидан сўнг уч ой ичида ўқув курсидан ўтади;
- малака оширишнинг даврийлиги ҳар уч йилда камида бир мартани ташкил этади.

Коррупцияга қарши ички назорат тузилмалари ва коррупциявий хавф-хатарлар юқори бўлган давлат хизмати лавозимларида фаолият кўрсатувчи хизматчилар учун махсус курслар чуқурлаштирилган ўқув дастурлари асосида олиб борилади.

Виртуал академияда ўқув жараёнини сифатли ташкил этилишини мониторинг қилиб бориш Агентлик томонидан амалга оширилади.

Махсус ўқув курсларини муваффақиятли тамомлаганларга сертификат берилади.

8 Мавжуд манфаатлар тўқнашуви тўғрисидаги хабарнома, эҳтимолий манфаатлар тўқнашуви тўғрисидаги декларациялар ва манфаатлар тўқнашувини ҳисобга олиш реестрининг намунавий шакллари тасдиқланди (Ўзбекистон Республикаси Адлия вазирлиги томонидан 2024 йил 5 ноябрда 3569-рақам билан давлат рўйхатидан ўтказилган).

Унга кўра, давлат органлари ёки бошқа ташкилотларда қуйидаги намунавий шакллар асосида ҳужжатлар тўлдирилади ва юритилади:



мавжуд манфаатлар тўқнашуви тўғрисидаги хабарнома (манфаатлар тўқнашуви ҳолати вужудга келганда тўлдирилади);



ходимнинг эҳтимолий манфаатлар тўқнашуви тўғрисидаги декларацияси (ходим ишга қабул қилинаётганда, бошқа ишга ўтказилаётганда ва йил якунига кўра тўлдирилади);



ходимга алоқадор шахсларнинг эҳтимолий манфаатлар тўқнашуви тўғрисидаги декларацияси;



манфаатлар тўқнашувини ҳисобга олиш реестри (мавжуд ва эҳтимолий манфаатлар тўқнашувининг ҳисоби юритилади).

Ушбу намунавий шакллар давлат органлари ёки бошқа ташкилотларда манфаатлар тўқнашувини тартибга солишда бир хил ёндашув ва амалиётни жорий этишни назарда тутди.


2

ЖИНОИЙ-ҲУҚУҚИЙ
СТАТИСТИКА

Таҳлилларга кўра, **2024 йилда** республика бўйича судлар томонидан жами **4 649 та** жиноят иши бўйича **7 354 нафар** шахс **коррупцияга оид жиноятлар** учун жиноий **жавобгарликка тортилган**. Уларнинг **1 525 нафари** ёки **20 фоизига озодликдан маҳрум қилиш** жазоси тайинланган.

2991 ➤	нафарига ахлоқ тузатиш ишлари
1 080 ➤	нафарига озодликни чеклаш
1121 ➤	нафарига жарима
7 ➤	нафарига мажбурий жамоат ишлари
5 ➤	нафарига муайян ҳуқуқдан маҳрум қилиш жазоси тайинланган
62 ➤	нафар шахсга шартли ҳукм чиқарилган
265 ➤	нафарига жазо тайинланмаган
86 ➤	нафари жазодан озод қилинган
212 ➤	нафар шахсга нисбатан бўлган жиноят иши тугатилган

**Коррупцияга оид жиноят
содир этган шахслар динамикаси**



2020 йил 31 декабрдаги Вазирлар Маҳкамасининг 829-сон қарори билан коррупцияга оид жиноятлар таснифи аниқ белгиланганидан сўнг, статистикада 2021 йилдан бошлаб жиноят содир этган шахслар сони кескин ошиши кузатилган.

Коррупцияга оид жиноятлар оқибатида давлат манфаатларига жами **2 трлн 812 млрд** сўм миқдорида **зарар етказилганлиги** аниқланди.

Давлат манфаатларига етказилган зарарнинг юқори улуши Андижон (680 млрд), Тошкент (332 млрд), Наманган (308 млрд) ва Сирдарё вилоятларига (289 млрд) тўғри келмоқда.

Энг кўп содир этилган коррупцияга оид жиноятлар

Жиноят тури	2024
Ўзлаштириш ёки растрата йўли билан талон-торож қилиш (167-м)	4189
Фирибгарлик (168-м)	1191
Пора олиш (210-м)	187
Пора бериш (211-м)	1086
Ҳокимият ёки мансаб ваколатини сууистеъмол қилиш (205-м)	188
Мансаб сохтакорлиги (209-м)	106

2024 йилда **123** та ҳолатда **ишга жойлашиш** ҳамда **292** та ҳолатда **банк кредитларини ажратиш**, **640** та ҳолатда бюджет маблағидан фойдаланиш билан боғлиқ коррупцияга оид жиноятлар аниқланган.



**Коррупцияга оид жиноятлар учун судланган
шахсларнинг ҳудудлар кесимида таҳлили**

Худуд	Судланган шахслар сони
Самарқанд вилояти	643
Қорақалпоғистон Республикаси	554
Тошкент шаҳри	392
Тошкент вилояти	697
Сурхондарё вилояти	396
Бухоро вилояти	400
Навоий вилояти	366
Наманган вилояти	877
Сирдарё вилояти	517
Хоразм вилояти	157
Жиззах вилояти	266
Фарғона вилояти	512
Андижон вилояти	882
Қашқадарё вилояти	695
Республика	7354

**Коррупцияга оид жиноят учун
судланган шахсларнинг соҳалар кесимида таҳлили**

654 нафари	мактабгача ва мактаб таълими
342 нафари	соғлиқни сақлаш
271 нафари	тижорат банклари
202 нафари	бандлик
111 нафари	электр тармоқлари
106 нафари	маҳаллий ҳокимликлар
90 нафари	олий таълим
83 нафари	газ таъминоти
76 нафари	сув таъминоти
68 нафари	кадастр
39 нафари	нодавлат нотижорат ташкилотлар
36 нафари	қишлоқ хўжалиги
26 нафари	транспорт
244 нафари	хўжалик юритувчи субъектлар ходимларига тўғри келади

Коррупцияга оид жиноятлар сони ортиб бораётганлигининг сабабларидан бири уни фош этиш бўйича ҳуқуқни муҳофаза қилувчи органлар фаоллигининг ортиши билан бир қаторда, вазирлик ва идоралардаги ички назорат тизимларининг самарасиз фаолияти билан боғлиқдир.

Хусусан, 2025 йилнинг 5 март куни Давлат Раҳбари иштирокида ўтказилган Коррупцияга қарши курашиш бўйича миллий кенгашнинг кенгайтирилган йиғилишида давлат органлари ва ташкилотларининг коррупцияга қарши курашиш ички назорат тузилмалари фаолияти етарли даражада эмаслиги танқид қилиниб, 117 та давлат органи ва ташкилотлари ички назорат тузилмаси раҳбарлари лавозимидан озод этилди.

3

КОРРУПЦИЯГА ҚАРШИ КУРАШИШ БЎЙИЧА 2023-2024 ЙИЛЛАРГА МЎЛЖАЛЛАНГАН ДАВЛАТ ДАСТУРИ ИЖРОСИ

Мамлакатимизда коррупцияга қарши курашиш бўйича давлат сиёсатини ҳар икки йилга мўлжалланган Давлат дастурларини қабул қилиш орқали амалга ошириш амалиёти шаклланган.

*Хусусан, Ўзбекистон Республикаси Президентининг 2023 йил 27 ноябрдаги ПФ-200-сон Фармони билан тасдиқланган Коррупцияга қарши курашиш бўйича 2023-2024 йилларга мўлжалланган **тўртинчи Давлат дастури** ҳам соҳадаги ислохотларни изчил давом эттиришда муҳим восита бўлди.*

Агентлик томонидан Давлат дастурининг ижроси доимий мониторинг қилиниб, ҳар чоракда Миллий кенгаш йиғилишларида масъул ташкилот раҳбарларининг ҳисоботлари эшитилиб, муҳокама қилинди. Натижада, Давлат дастурида белгиланган **9 та** йўналишдаги **30 та** банддан иборат вазифа ва топшириқларнинг ижроси тўлиқ таъминланди.

Давлат дастури доирасида қуйидаги ишлар амалга оширилди:

1 Коррупцияга қарши курашиш соҳасини такомиллаштиришга қаратилган **12 та** норматив-ҳуқуқий ҳужжат лойиҳалари ишлаб чиқилиб, шундан **4 таси** қабул қилинди:

- Ўзбекистон Республикаси Президентининг 2024 йил 10 июлдаги “Давлат харидлари тизимини такомиллаштириш ва унда кичик тадбиркорлик субъектлари иштирокини рағбатлантириш чора-тадбирлари тўғрисида”ги ПҚ-249-сон қарори билан давлат харидлари махсус ахборот порталида товар (иш, хизмат)ларнинг нархларини жамоатчилик учун очиқ ифодаловчи алоҳида тизим яратиш белгиланди;
- Вазирлар Маҳкамасининг 2024 йил 30 декабрдаги “**Давлат органлари ва ташкилотларининг очиқликни таъминлаш соҳасидаги норматив-ҳуқуқий ҳужжатларда белгиланган мажбуриятларга риоя этилишини масофадан мониторинг қилиш тартиби тўғрисидаги низомни тасдиқлаш ҳақида**”ги

910-сон қарори билан Агентлик томонидан давлат органлари ва ташкилотлари фаолияти очиқлигини масофавий мониторинг қилиш асослари, тартиби ва муддатлари, натижаларини расмийлаштириш ва таъсир чораларини қўллаш тартиби белгиланди;

- Вазирлар Маҳкамасининг 2025 йил 15 февралдаги **“Давлат харидларида Ягона етказиб берувчилар реестрига киритиш бўйича давлат хизматларини кўрсатишнинг маъмурий регламентини тасдиқлаш тўғрисида”**ги 102-сон қарори билан Ягона етказиб берувчилар реестрига киритиш бўйича давлат хизматларини кўрсатишнинг маъмурий регламенти тасдиқланди. Унга кўра, реестрга киритиш 2025 йил 1 апрелдан бошлаб Ягона интерактив давлат хизматлари портали орқали амалга оширилиши белгиланди;
- Вазирлар Маҳкамасининг 2025 йил 24 февралдаги **“Давлат харидларини корпоратив банк карталари орқали амалга ошириш тартиби тўғрисидаги низомни тасдиқлаш ҳақида”**ги 108-сон қарори билан хизмат сафарлари, шу жумладан, транспорт ва яшаш харажатлари учун тўловларни амалга ошириш, бензин, суюлтирилган ва сиқилган газ, авиа ва дизель ёқилғисида ҳаракатланувчи транспорт воситаларига ёқилғи қуйиш, электромобилларни электр энергияси билан қувватлантириш билан боғлиқ харидларни корпоратив банк карталари орқали амалга ошириш тартиби белгиланди.

2 Давлат органлари ва ташкилотларининг очиқликка масъул ходимларини ўқитишга мўлжалланган **“E-learning”** таълим платформаси (data.anticorruption.uz) ишга туширилди.

2024 йилда платформа орқали **119 та** давлат органининг **609 нафар** очиқликка масъул ходимининг малакаси оширилди.

3 Давлат органлари ва ташкилотларининг инсон ресурсларини бошқаришга оид фаолиятини рақамлаштириш ахборот тизими (hrm.argos.uz) ишга туширилди.

Платформада **2 672 та** ташкилотнинг **95 мингга яқин** давлат хизматчисига тегишли шахсий маълумотлар базаси шакллантирилди.

4 Судлар томонидан мансабдор шахсларнинг бекор қилинган ноқонуний қарорлари тўғрисида **жамоатчиликни хабардор қилиш** тизими яратилди.

Жумладан, Ўзбекистон Республикаси Олий судининг интерактив хизматлари порталида (public.sud.uz) давлат органлари ва ташкилотлари, уларнинг мансабдор шахсларининг ноқонуний қарорларини бекор қилиш ҳақидаги суд қарорларини очиқ эълон қилиб бориш тартиби йўлга қўйилди.

5 Ўзбекистон Республикаси мактабгача ва мактаб таълими соҳасида **“Коррупциясиз соҳа”** лойиҳаси ишга туширилди.

Коррупцияга қарши курашиш миллий кенгашининг қарори билан Мактабгача ва мактаб таълими тизимида “Коррупциясиз соҳа” лойиҳасини амалга ошириш юзасидан 2024-2025-йилларга мўлжалланган “Йўл харитаси” тасдиқланди.

“Йўл харита” ижроси юзасидан:

- мактабгача ва мактаб таълими соҳасига оид **79 та** норматив-ҳуқуқий ҳужжат коррупцияга қарши экспертизадан ўтказилди;
- коррупциявий хавф-хатарга энг кўп дуч келадиган вазифа ва функциялар махсус электрон платформада (e-anticor) баҳоланди;
- тизимда фаолият юритаётган **24 624 нафар** мактаб директори ва **199 666 нафар** педагог ходим малакаси оширилди, **1 605 нафар** ходим Ҳуқуқни муҳофаза қилиш Академиясида ўқитилди;
- ходимлар учун коррупциявий хатти-ҳаракатларда қатнашмаслик, коррупция ва унинг оқибатлари, бу каби жиноятларнинг олдини олиш бўйича **709 та** тарғибот ва профилактика тадбирлари ўтказилди;
- **6891 та** давлат мактабгача таълим ташкилоти тарбияланувчиларининг шахсини биометрик идентификация қилиш орқали давоматни юритиш йўлга қўйилди;
- **117 нафар** ходимда манфаатлар тўқнашуви аниқланиб, бартараф этиш чоралари кўрилди.

6 “9 декабрь – Халқаро коррупцияга қарши кураш куни”га бағишланган **“Аксилкоррупция ҳафталиги”** доирасида **500 дан ортиқ** тадбирлар ташкил этилди.

110 дан ортиқ ташкилотда “Очиқ эшиклар куни”, ҳудудлардаги **334 та** муассасада давра суҳбатлари ва тренинглари, республика ва халқаро даражада **3 та** форум ўтказилди, **210 дан ортиқ** видеоролик намойиш этилди.

Маълумот учун: **2023 йилда 100 дан ортиқ** ташкилотда “Очиқ эшиклар куни”, **30 дан ортиқ** олий таълим муассасасида талабалар ўртасида танловлар, республика ва халқаро даражада **2 та** Форум, **20 дан ортиқ** семинар-тренинг, мулоқот ва бошқа шаклдаги тадбирлар бўлиб ўтказилган.

7 Ёшларда коррупцияга нисбатан тоқатсиз муносабатни шакллантириш мақсадида коррупцияга қарши курашувчи идоралар вакиллари **ёшлар билан учрашувларини** ташкил этиш амалиёти йўлга қўйилди.


114 та олий таълим муассасасида шу турдаги тадбирлар ўтказилди. Хусусан, Агентлик директори ва ёшлар ўртасида 2024 йилнинг 9 февраль куни Наманган вилоятида, 16 март куни Фарғона вилоятида, 18 апрель куни Қорақалпоғистон Республикасида, 20 декабрь куни “Вазир ва ёшлар” тадбирлари доирасида ёшлар билан учрашувлар ўтказилди.

- 8** Фуқаролик жамияти институтлари ва оммавий ахборот воситалари вакилларининг коррупцияга қарши курашишдаги иштирокини кенгайтиришга қаратилган **чора-тадбирлар** амалга оширилди.

Нодавлат нотижорат ташкилотлар учун коррупцияга қарши курашиш мавзуларида **1 млрд 784 млн** сўмлик грант танловлари эълон қилинди. ННТ, ОАВ, Жамоатчилик кенгашлари ва илмий доира вакиллари иштирокида 34 та семинар ташкил этилиб, унда **840 нафар** иштирокчининг малакаси оширилди.

- 9** Иқтисодий ҳамкорлик ва тараққиёт ташкилотининг Истанбул ҳаракатлар режаси доирасида **5-босқич мониторинги** ўтказилди.

Мониторинг натижаларига кўра, Ўзбекистоннинг коррупцияга қарши сиёсати **83.6 балл** билан Марказий Осиё давлатлари орасида энг юқори баҳоланди.



4

ВАКОЛАТЛИ ДАВЛАТ ОРГАНЛАРИНИНГ КОРРУПЦИЯГА ҚАРШИ КУРАШИШДАГИ ФАОЛИЯТИ

Ўзбекистон Республикасининг “Коррупцияга қарши курашиш тўғрисида”ги қонунига мувофиқ, коррупцияга қарши курашиш фаолиятини **бевосита** амалга оширувчи давлат органлари (Агентлик, Бош прокуратура, ДХХ, ИИБ ва Адлия вазирлиги) томонидан мамлакатда коррупцияга қарши курашиш ва унинг олдини олиш борасида бир қатор ишлар амалга оширилди.



Коррупцияга қарши курашиш агентлиги

1 Коррупцияга қарши курашиш агентлиги томонидан манфаатлар тўқнашуви, давлат харидлари, давлат органларининг очиқлиги ҳамда бюджет маблағларидан самарали фойдаланиш бўйича ҳудуд ва соҳалар кесимида ўрганишлар ўтказилди.

Ўрганишлар натижасида аниқланган қонунбузилишларни бартараф этиш юзасидан вазирлик ва идораларга **408 та** (2023 йилда 260 та) **тақдимнома** киритилди.

Шундан:

257 таси	(195) давлат харидларида қонунбузилиши ҳолатлари;
45 таси	(40) қонунчилик билан очиқланиши лозим бўлган маълумотларнинг эълон қилинмаганлиги;
41 таси	(15) давлат хизмати билан бир вақтда тадбиркорлик фаолияти билан шуғулланиш;
32 таси	номзодларни ишга қабул қилишда очиқлик таъминланмаганлиги;
33 таси	(10) бошқа масалалар (рейтинглардаги камчиликлар, жиноятчилик, ички назорат тузилмаси фаолияти ва бошқа).

Тақдимномалар натижасида хато ва камчиликларга йўл қўйган **85 нафар** (74) шахсга нисбатан **интизомий** жавобгарлик чоралари қўлланилди, **234 та** ҳолатда жами **263,9 млрд** сўмлик ноқонуний давлат харидлари бекор қилинди.

*Давлат харидларидаги қонунбузилиши ҳолатлари юзасидан энг кўп тақдимномалар Соғлиқни сақлаш (**52 та**), маҳаллий давлат ҳокимияти идоралари (**32 та**), Транспорт (**30 та**), Мактаб ва мактабгача таълими (**23 та**), Олий таълим, фан ва инновациялар (**18 та**) ва Сув хўжалиги вазирликларига (**14 та**) киритилган.*

Бундан ташқари, ўрганишлар натижасида аниқланган қонунбузилиши ҳолатларига ҳуқуқий баҳо бериш учун **293 та** (227) материал ҳуқуқни муҳофаза қилувчи органларга юборилди.

Юборилган материаллар асосида ҳуқуқни муҳофаза қилувчи органлар томонидан Жиноят кодексининг тегишли моддалари билан умумий **28 та** (23) **жиноят** иши ва **104 та** (96) **маъмурий** иш қўзғатилди.

Мисол учун, ғазначилик органларида рўйхатдан ўтказилмасдан амалга оширилган давлат харидларини ўрганиш натижалари бўйича Тошкент шаҳри, Тошкент, Қашқадарё, Сурхондарё, Андижон, Фарғона, Наманган, Сирдарё, Жиззах, Бухоро, Хоразм вилоятларидаги ҳакамлик судларига ҳамда давлат харидлари талаблари бузилган ҳолда тўловни амалга оширган бюджет ташкилотлари мансабдор шахсларига нисбатан **13 та жиноят иши** қўзғатилди.

*Шу билан биргаликда, ўрганишлар натижасида жами **222,7 млрд** сўмлик **моддий зарарнинг** давлат бюджетига қайтарилиши юзасидан қарорлар қабул қилинган.*

Оммавий ахборот воситаларида коррупция ҳолатларига йўл қўйилаётганлиги юзасидан эълон қилинган **55 та** хабар ўрганилиб, уларнинг **25 таси** бўйича давлат харидларида қонунбузилиши ҳолатларининг мавжудлиги ҳамда **5 тасида** давлат хизматчилари тадбиркорлик фаолияти билан шуғулланиб келаётганлиги аниқланди ва мазкур қонунбузилиши ҳолатлари бартараф этилди.

Давлат ва жамият ҳаётининг турли соҳаларида **коррупциянинг келиб чиқишига сабаб бўлаётган омиллар** таҳлил қилиниб, Ўзбекистон Республикаси Президенти Администрацияси ва бошқа ташкилотларга **22 та** таҳлилий маълумот киритилди.

Хусусан, ўрганишлар давомида **давлат харидлари, соғлиқни сақлаш, маданият, ҳуқуқни муҳофаза қилувчи органлар, қурилиш, илмий даража олиш ва автомобиль йўллари** соҳаларида коррупциявий ҳуқуқбузарликларнинг содир этилишига имкон бераётган шарт-шароитлар таҳлил қилинди.

Масалан, **давлат харидлари соҳасида** харидлар ҳажмини қисмларга бўлиш орқали амалга оширилганлиги, тендер савдоларида манфаатлар тўқнашувига (яқин қариндошлар иштирокига) йўл қўйилганлиги, **илмий даража** олишда плагиат, таниш-билишчилик муносабатларидан фойдаланиш, илмий даража бериш тизимида рақамлаштириш, назорат ва жавобгарлик механизмлари яратилмаганлиги ҳолатлари аниқланди.

2 Давлат органларининг очиқлигини таъминлашга оид мажбуриятларга риоя этилиши масофавий мониторинг тартибида мунтазам ўрганилиб, аниқланган камчиликларни бартараф қилиш чоралари кўрилди.

Хусусан, 103 та давлат органлари ва ташкилотларининг очиқлиги мониторинг қилиниб, натижалари бўйича 45 та тақдимнома киритилди.

Шунингдек, “Қайта алоқанинг сирли мижози” тадбирлари орқали **6 та** вазирлик (Қурилиш ва уй-жой коммунал хўжалиги, Камбағалликни қисқартириш ва бандлик, Қишлоқ хўжалиги, Транспорт, Энергетика ва Инвестициялар, саноат ва савдо вазирликлари) ва **2 та** вилоят (Андижон ва Наманган) ҳокимлигига **тақдимнома** киритилди.

Очиқликка оид қонун ҳужжатлари талабларини бузган **5 нафар** шахсга нисбатан **МЖТКнинг 215⁷-моддасига** (давлат ҳокимияти ва бошқаруви органлари фаолиятининг очиқлиги тўғрисидаги қонунчиликни бузиш) асосан **маъмурий жавобгарлик чоралари қўлланилди**.

3 Халқаро ҳамкорлик йўналишида 2024 йилда халқаро ташкилотлар ва хорижий давлатлар коррупцияга қарши курашиш идоралари билан ҳамкорликка оид **4 та ҳамкорлик тўғрисида битим ва меморандум** имзоланди.

Жаҳон банки, БМТ Қонун устуворлиги ва хавфсизлик институтлари бошқармаси, Грузия Коррупцияга қарши курашиш бюроси ва Финляндия Қонун устуворлиги маркази билан имзоланган.

Халқаро ҳамкорлар билан **55 та** расмий учрашув ўтказилиб, халқаро экспертлар иштирокида **12 та** семинар-тренинг ҳамда **3 та** халқаро Форум ташкил этилди:



“Коррупцияга қарши курашиш Тошкент глобал медиа форуми”
(10 сентябрь, Тошкент)



“IV Тошкент Аксилкоррупция форуми”
(16-17 октябрь, Тошкент)



“III Ўзбекистон бизнес ҳамжамиятида ҳалоллик форуми”
(16 декабрь, Тошкент)

2024 йилда халқаро ташкилотлар билан ҳамкорликда **4 та** қўшма лойиҳа ишга туширилди.



Европа Иттифоқи ва БМТ Тараққиёт дастури билан ҳамкорликда “Коррупцияга қарши курашиш миллий экотизимини кучайтириш” лойиҳаси (**2024-2026 йиллар, 2,5 млн евро**);

Лойиҳа доирасида “Миллий ҳалоллик тизими”ни жорий этиш, Коррупцияга қарши курашиш ҳудудий кенгашлари салоҳиятини ошириш, электрон платформалар ишлаб чиқиш, нодавлат ташкилотлар ва оммавий ахборот воситалари ролини ошириш назарда тутилган.



giz

Европа Иттифоқи, Германия Федерал иқтисодий ҳамкорлик ва тараққиёт вазирлиги ва Германия халқаро ҳамкорлик жамияти (GIZ)нинг Ўзбекистондаги ваколатхонаси ҳамкорлигида “Ўзбекистонда давлат бошқарувини такомиллаштириш: коррупциянинг олдини олишда инклюзив ёндашув” лойиҳаси (**2024-2026 йиллар, 4,5 млн евро**);

Лойиҳа доирасида Коррупцияга қарши курашиш агентлиги фаолиятига сунъий интеллектни жорий этиш, давлат органлари ички назорат тузилмалари (“комплаенс-назорат”) салоҳиятини ошириш, Ўзбекистон Республикасининг халқаро рейтингларда ўрнини кучайтиришга қаратилган тадқиқотлар ташкил этиш, “Манфаатлар тўқнашуви тўғрисида”ги қонуннинг самарали ижроси бўйича янги механизмлар жорий этиш, коррупция тўғрисида хабар берувчилар тизимини Европа тажрибаси асосида кучайтириш каби қатор тадбирлар амалга оширилмоқда.



АҚШ Давлат департаментининг Наркотикларга қарши халқаро кураш ва ҳуқуқни муҳофаза қилиш бюроси (INL) ва Иқтисодий ҳамкорлик ва тараққиёт ташкилоти ҳамкорлигидаги “Ўзбекистонда коррупцияга қарши курашиш самарадорлигини ошириш” лойиҳаси (2024-2026 йиллар, 945 минг АҚШ доллари);

Лойиҳа ҳужжатларида Ўзбекистон Республикасининг Иқтисодий ҳамкорлик ва тараққиёт ташкилоти билан коррупцияга қарши курашиш соҳасидаги ҳамкорлигини кучайтириш, шу жумладан, ИХТТ Шарқий Европа ва Марказий Осиё мамлакатлари учун коррупцияга қарши курашиш бўйича тармоғининг Истанбул ҳаракатлар режаси доирасидаги халқаро стандартларни миллий қонунчиликка имплементациясига қўмаклашиш белгиланган. Хусусан, ИХТТнинг Ўзбекистонга тавсиялари асосида “Йўл харитаси” ишлаб чиқилиб, ҳар бир бандини амалга ошириш бўйича хорижий экспертлар жалб этилади.



Агентлик ва Япония халқаро ҳамкорлик агентлиги (JICA) ўртасида “Инвестиция муҳитини яхшилаш мақсадида коррупцияга қарши чора-тадбирларни қўллаб-қувватлаш” лойиҳаси.

Лойиҳа доирасида Агентлик ҳамда масъул идоралар ходимлари учун коррупцияга қарши курашиш ва давлат харидлари соҳасида семинар-тренинглар ўтказиш ҳамда бошқа чора-тадбирлар амалга оширилади.



Ўзбекистон Республикаси Бош прокуратураси

Ўзбекистон Республикаси Бош прокуратураси томонидан Коррупцияга қарши курашиш тўғрисидаги қонунчиликнинг аниқ ва бир хилда ижро этилиши устидан назорат фаолиятини ташкил этишда соғлиқни сақлаш, олий таълим, қурилиш, энергетика, давлат харидлари ва банк соҳаларида коррупциянинг олдини олиш бўйича белгиланган чора - тадбирларнинг ижроси таъминланишига алоҳида эътибор қаратилди.

Хусусан, **олий таълим соҳасида** аниқланган қонунбузилиши ҳолатларини бартараф этиш бўйича тегишли идораларга **251 та** тақдимнома киритилди, **560 нафар** шахс интизомий ва маъмурий жавобгарликка тортилди, **67 та** жиноят иши қўзғатилди.

Ёки **давлат харидларининг қонунийлиги юзасидан ўтказилган 359 та** текшириш бўйича **2 трлн 736 млрд** сўмлик молиявий хато ва камчиликлар аниқланди.

*Бу борадаги қонунбузилиши ҳолатларини бартараф этиш бўйича тегишли идораларга **199 та** тақдимнома киритилди, **37 та** ноқонуний ҳужжат қонунга мувофиқлаштирилди, **106 нафар** шахс интизомий, **789 нафари** маъмурий жавобгарликка тортилди, **362 та** жиноят иши қўзғатилди ҳамда **454 нафар** шахснинг бузилган ҳуқуқлари тикланди.*

Таҳлилларга кўра, аниқланган қонунбузилиши ҳолатларининг асосий қисмини харидлар тўғрисидаги қонунчиликка зид равишда **тўғридан-тўғри шартномалар тузиш** (298 млрд), **қиммат нархда қабул қилиш** (152), **танлов** ва **тендер ўтказиш талабларини бузиш** (145), харидлар тўғрисидаги маълумотларни **порталга киритмаслик** (18,8), харид турини **нотўғри танлаш** (9,1), шартномалар ва техник топшириқларни **экспертизадан ўтказмаслик** (1,4) ҳамда **манфаатлар тўқнашувига** йўл қўйиш (1,3) каби ҳолатлар ташкил этмоқда.

*Прокуратура органлари томонидан 2024 йилда жами **31 нафар** (сўнгги 3 йилда 147 нафар) шахс коррупцияга оид ҳуқуқбузарлик ҳақида хабар берганлиги ёки коррупцияга қарши курашишга бошқа тарзда кўмаклашганлиги сабабли рағбатлантирилди.*

*Уларнинг **1 нафарига** пул мукофоти, **28 нафарига** ташаккурнома ва **2 нафарига** эсдалик совға топширилди.*

Алоҳида соҳаларда коррупциявий жиноятлар ва уларнинг келиб чиқиш сабабларини таҳлил қилиш, шу орқали коррупция омилларини бартараф қилишга қаратилган чора-тадбирлар амалга оширилди.

Хусусан, **маҳаллий давлат ҳокимияти, соғлиқни сақлаш, спорт, мактабгача ва мактаб таълими, олий таълим, қурилиш, бандлик, маданият** ходимлари томонидан ва **давлат харидлари** соҳасида содир этилган коррупциявий жиноятлар ва уларнинг келиб чиқиш сабаблари таҳлил қилиниб, Коррупцияга қарши курашиш миллий кенгашига **10 та** ахборот ва тегишли идораларга **7 та** тақдимнома киритилди.

Аҳолининг ҳуқуқий онги ва ҳуқуқий маданиятини юксалтириш, жамиятда **коррупцияга нисбатан мурасасиз муносабатни шакллантириш** мақсадида жами **9 149 та** тадбир, шундан **19 та** конференция, **218 та** семинар ва **2 512 та** давра суҳбати ўтказилган, **1 584 марта** оммавий ахборот воситаларида, шу жумладан, **306 та** телевидениеда, **397 та** радио, **140 та** матбуотда ва **741 та** интернет тармоғида чиқишлар қилинди.



Бош прокуратура ҳузуридаги Иқтисодий жиноятларга қарши курашиш департаменти

Бош прокуратура ҳузуридаги Иқтисодий жиноятларга қарши курашиш департаменти томонидан 2024 йилда бюджет маблағларидан мақсадли ва оқилона фойдаланиш устидан самарали назоратни таъминлаш, бюджет қонунчилиги бузилиши профилактикасини кучайтириш борасида тизимли ишлар олиб борилди.

Бюджет маблағларининг мақсадли сарфланишини таъминлаш, ноқонуний харажатларнинг олдини олиш борасида:



давлат органлари харажатлар сметаси ва штатлар жадвалларининг ҳаққонийлигини таъминлаш борасида ўтказилган ўрганишларда Иқтисодиёт ва молия вазирлиги билан бирга **2,3 трлн** сўм маблағ мақбуллаштирилди;



бюджет маблағлари ҳаракати устидан ўрнатилган масофавий мониторинг натижасида **554 та** ҳолатда давлат харидлари билан боғлиқ **3,1 трлн** сўмлик ноқонуний харажатларнинг олди олинди;



ўтказилган тезкор-тахлилий тадбирлар натижасида **857 та** ҳолатда **1,2 трлн** сўмлик бюджет маблағлари талон-торожига барҳам берилиб, **660 млрд** сўми бюджетга ундирилди;



87 та ҳолатда **247 млрд** сўмлик субсидия маблағларидан мақсадсиз фойдаланишга чек қўйилди.

Яширин иқтисодиётни қисқартириш борасида **673 мингта** субъект хатловдан ўтказилиб, яширин айланмаларни расмий ҳисоботларда акс эттириш орқали **16 трлн** сўм маблағнинг бюджетга ундирилиши таъминланди.



Шунингдек, **178 нафар** тадбиркор коррупциявий тажовуздан ҳимоя қилинди.



Ўзбекистон Республикаси Ички ишлар вазирлиги

Ўзбекистон Республикаси Ички ишлар вазирлигининг Тезкор-қидирув департаментининг Коррупция ва иқтисодий жиноятларга қарши курашиш бошқармаси ва унинг ҳудудий бўлинмалари ходимлари томонидан 2024 йилнинг 12 ойи давомида коррупция ва иқтисодиёт соҳасида содир этилган, ҳокимият, бошқарув ва жамоат бирлашмалари органларининг фаолият тартибига қарши **3 300 га** яқин жиноят аниқланган.

Мазкур жиноятларнинг аксарияти порахўрлик, товламачилик, фирибгарлик, валюта қондасини бузиш, қалбаки пул ясаш ва ўтказиш, ўзлаштириш йўли билан талон-торож қилиш жиноятларини ташкил этган.

Жиноятлар натижасида етказилган **787 млрд. 120 млн.** сўмлик моддий зарарнинг **239 млрд 584 млн** сўми (30,4 фоизи) ундирилиши таъминланди.

*Тезкор ходимлар томонидан агросаноат комплексида **581 та**, саноатда **35 та**, ёқилғи-энергетика комплексида **194 та**, банк, молия-кредит тизимида **68 та**, ижтимоий соҳаларда **310 та**, истеъмол бозорида **82 та**, ўрта ва кичик бизнесда **199 та**, чет эл фирмалари ва қўшма корхоналарида **16 та**, ҳуқуқни муҳофаза қилиш идораларида **18 та**, назорат идораларида **135 та**, ҳокимият идораларида **135 та** ҳамда бошқа соҳалардаги **1 570 тага** яқин жиноят аниқланиб, фош этилди.*

Аҳолининг ҳуқуқий онгини ошириш, коррупцияга қарши муросасизлик муносабатини шакллантиришга қаратилган **102 та** видеоролик ва видеолавҳалар тайёрланиб, ОАВда ҳамда ички ишлар органларининг ижтимоий тармоқлардаги расмий саҳифаларида эълон қилинди.

2024 йил 21-30 апрель кунлари ички ишлар органларида “Коррупцияга қарши курашиш долзарб 10 кунлиги” тадбирлари ўтказилди, бунда **208 та** туман-шаҳар ички ишлар органларида шахсий таркиб билан профилактик тарғибот йиғилишлари ўтказилди.

Олиб борилган профилактик чора-тадбирлар натижасида 2024 йил давомида фуқаролар томонидан ходимларга пора таклиф қилиш ҳолатларини фош қилиш ўтган йилнинг мос даврига **141 тага** (75 фоизга) ошган (2023 йилда 188 та, 2024 йилда 329 та).



Ўзбекистон Республикаси Давлат хавфсизлик хизмати

Ўзбекистон Республикаси Давлат хавфсизлик хизмати идоралари томонидан 2024 йилда коррупцияга оид ҳолатлар юзасидан тергов қилинган жиноят ишлари бўйича **220 нафар шахсга** нисбатан бўлган жиноят ишлари тегишли тартибда судга юборилиб, тергов жараёнида етказилган **466 млрд** сўмлик зарарнинг **406 млрд** сўми (87 фоизи) ундирилиши таъминланган.



Ўзбекистон Республикаси Адлия вазирлиги

Ўзбекистон Республикаси Адлия вазирлиги томонидан коррупцияга қарши курашиш соҳасида давлат сиёсатини амалга ошириш ҳамда қонун ижодкорлиги фаолиятида иштирок этиш, қонунчилик ҳужжатлари лойиҳаларини коррупцияга қарши экспертизадан ўтказиш, шунингдек, аҳоли ва давлат хизматчиларининг ҳуқуқий билимини ошириш каби йўналишларда чора-тадбирлар амалга ошириб келинмоқда.

Хусусан, қонунчиликни такомиллаштириш, аҳоли ва тадбиркорлик субъектларига янада қулайликлар яратиш мақсадида **31 та** норматив-ҳуқуқий ҳужжат лойиҳалари ишлаб чиқилди.

*Норматив-ҳуқуқий ҳужжатлар лойиҳаларини коррупцияга қарши экспертизадан ўтказиш йўналишида **2 093 та** норматив ҳуқуқий ҳужжат лойиҳалари коррупцияга қарши экспертизадан ўтказилиб, шундан **222 тасида** ёки **11 фоизида 337 та коррупциявий омил** аниқланиб, уларни бартараф этиш юзасидан ишлаб чиқувчиларга таклифлар киритилган.*

Давлат хизматларини кўрсатиш тизими соддалаштирилиб, электрон давлат хизматлари сони оширилди. Хусусан:

– давлат хизматлари марказлари орқали **70 дан ортиқ** янги давлат хизматлари жорий қилиниб, кўрсатилаётган хизматлар сони **438 тага** етказилди;

– интерактив давлат хизматлари порталида жорий этилган **100 дан ортиқ** давлат хизматлари **“3 қадам”** ва **“фойдаланувчи учун мослаштирилган”** тамойиллари асосида қайта кўриб чиқилиб, хизмат кўрсатиш жараёнлари соддалаштирилди;

– аҳоли ва тадбиркорлик субъектларига хулосалар бериш бўйича **18 турдаги** давлат хизматлари тизимлаштирилди;

– **12 та** “проактив” ҳамда **50 дан** ортиқ “композит” давлат хизматларини кўрсатиш йўлга қўйилди;

– **7 та** лицензия, рухсат бериш ва хабардор қилиш тартиб таомиллари тўлиқ бекор қилинди;

– **6 та** лицензия ва рухсат бериш тартиб-таомили бирлаштириш орқали бекор қилинди;

– **3 та** лицензия ва рухсатнома хабардор қилиш шаклига ўтказилди;

– бизнесни бошлаш учун **3 ойгача** “ўтиш ва мослашиш даври”ни белгилайдиган **“Бизнесга лицензиясиз кириш”** (Zero Licensing) махсус режими (эксперимент тариқасида рентгендан фойдаланиш ва ветеринария лаборатория-диагностикаси) жорий этилди;

– **32 та** давлат хизматини эксперимент тариқасида маълум бир ҳудудда апробация қилиш бўйича манфаатдор вазирлик ва идоралар билан биргаликда қўшма қарорлар имзоланди.

Бугунги кунда кўрсатилаётган давлат хизматларининг умумий сони **1000 дан ортиқ** бўлиб, шундан, бевосита Давлат хизматлари марказлари орқали **438 та**, Ягона интерактив давлат хизматлари портали орқали кўрсатиладиган давлат хизматлари ва сервислар сони **735 тани** ташкил этади.

Давлат хизматларини кўрсатиш бўйича давлат органлари ва ташкилотлари томонидан 2024 йилда қонунбузилишига йўл қўйилган **635 383 та** ҳолат аниқланиб, айбдор шахсларга нисбатан **8 812 та** таъсир чоралари қўлланилди.

Коррупцияга қарши курашиш тўғрисидаги қонунчилик ҳужжатлари мазмун-моҳияти ва аҳамиятини кенг тушунтиришга қаратилган **27 мингдан** ортиқ ҳуқуқий тарғибот тадбирлари ташкил қилинди.

*Жумладан, телевидение орқали **366 та**, радиода **743 та** чиқиш қилинди, газета ва журналларда **434 та** мақола чоп этилди, **16 800 дан** ортиқ семинар ва давра суҳбати, конференциялар ўтказилди, уйма-уй юриб ҳуқуқий маслаҳатлар берилди, веб-саҳифа ва ижтимоий тармоқларда **7 200 дан** ортиқ контент жойлаштирилди, **1 600 та** кўргазмали ҳуқуқий тарғибот материали кенг тарқатилди.*

Адлия вазирлигининг “Youtube”даги расмий саҳифаси орқали **“Қонунчиликдаги янгиликлар”** рукнида коррупцияга қарши курашишни тарғиб қилишга қаратилган **6 та** видеоролик жойлаштирилди, **“Ҳуқуқий ахборот”** телеграм каналида коррупцияга қарши курашиш бўйича қисқача ахборот контенти ва видеоролик жойлаштирилди ҳамда мазкур контент билан **144 мингдан** зиёд фойдаланувчи танишди.

Ҳудудий адлия органлари томонидан ҳокимликларда доимий равишда **“Маърифат соати”** ташкил қилиниб, ходимларга коррупцияга қарши муросасиз курашиш ҳамда қонунчиликдаги янгиликларнинг мазмун-моҳиятини тушунтириш бўйича семинар ва давра суҳбатлари ташкил қилиб келинмоқда.

Манзилли ҳуқуқий тарғибот тадбирларида **4 мингдан ортиқ** кўргазмали тарғибот материаллари (буклет, флаер, инфографика) тарқатилди.

5

НОРМАТИВ-ҲУҚУҚИЙ ҲУЖЖАТЛАР ВА УЛАР ЛОЙИҲАЛАРИНИНГ КОРРУПЦИЯГА ҚАРШИ ЭКСПЕРТИЗАСИ

Норматив-ҳуқуқий ҳужжатлар ва улар лойиҳаларининг коррупцияга қарши экспертизаси **махсус қонун билан** тартибга солиниб, самарали тизим яратилганидан сўнг давлат органларида коррупцияга қарши экспертизани ташкил этиш бўйича ижобий амалиёт шакллана бошлади.

Вазирлик ва идоралар томонидан лойиҳалар дастлабки босқичда синчковлик билан текширилиб, коррупция омилларини бартараф этиш чоралари кўриладиганлиги натижасида киритилаётган лойиҳаларда коррупция омиллари **камаймоқда**.

Хусусан, Адлия вазирлиги томонидан коррупция омиллари аниқланган лойиҳалар сони ўтган йилга нисбатан **5 фоизга**, коррупция омиллари сони **37 фоизга** камайган.

2024 йил **2 350 та** лойиҳанинг **222 тасида** ёки **11 фоизиди 337 та** коррупциявий омил аниқланган.

Маълумот учун: 2023 йилда **2 379 та** лойиҳанинг **356 тасида** ёки **16 фоизиди 569 та** коррупциявий омил аниқланган.

2024 йилда коррупциявий омил аниқланган энг кўп лойиҳалар **қуйидаги вазирлик ва идораларга** тўғри келмоқда:

- ➔ Иқтисодиёт ва молия вазирлиги – **30 та** (174 та лойиҳанинг 17 фоизиди);
- ➔ Экология, атроф-муҳитни муҳофаза қилиш ва иқлим ўзгариши вазирлиги – **16 та** (142 та лойиҳанинг 11 фоизиди);
- ➔ Қишлоқ хўжалиги вазирлиги – **15 та** (128 та лойиҳанинг 12 фоизиди);
- ➔ Олий таълим, фан ва инновациялар вазирлиги **12 та** (66 та лойиҳанинг 18 фоизиди).

Таҳлиллار натижасида қонунчилик ҳужжатлари лойиҳаларида энг кўп қуйидаги турдаги коррупциявий омиллар учраётганлиги аниқланди:



маъмурий тартиб-таомилларнинг мавжуд эмаслиги ёки тўлиқ эмаслиги (37 фоиз);



дискрецион ваколатларнинг кенглиги (10 фоиз);



тадбирларни амалга ошириш усулларининг мураккаблиги ва уларни молиялаштириш манбаларининг ноаниқлиги (6 фоиз);



бошқа коррупциявий омиллар (47 фоиз).

Норматив-ҳуқуқий ҳужжатлар лойиҳаларини коррупцияга қарши экспертизадан ўтказиш амалиёти жорий этилганлигига 4 йил бўлганига қарамасдан, айрим вазирлик ва идоралар ҳали ҳам лойиҳаларни экспертизадан ўтказмасдан, яъни чеклист тўлдирмасдан адлия органларига киритмоқда.

Жумладан, Адлия вазирлигига экспертизадан ўтказиш учун киритилган жами **2 350 та** норматив-ҳуқуқий ҳужжат лойиҳасининг **74 таси**да коррупциявий омилларни аниқлаш бўйича **чеклист илова қилинмаган**.

*Коррупцияга қарши экспертизадан ўтказилмай киритилган энг кўп лойиҳалар салмоғи **Жиззах вилоят ҳокимлиги** (8 та), **Инвестициялар, саноат ва савдо вазирлиги** (6 та), **Энергетика вазирлиги**, **Қишлоқ хўжалиги вазирлиги**, **Ташқи ишлар вазирлиги** (5 тадан) ҳисобига тўғри келади.*

Агентлик томонидан вазирлик ва идораларнинг **327 та** норматив-ҳуқуқий ҳужжат лойиҳалари коррупцияга қарши экспертизадан ўтказилди.

Шунингдек, Ўзбекистон Республикаси Олий Мажлиси палаталари ва улар органларининг, Ўзбекистон Республикаси Президентининг топшириқларига кўра, **22 та** норматив-ҳуқуқий ҳужжатлар лойиҳалари коррупцияга қарши экспертизадан ўтказилди.

Экспертиза натижаларига кўра, **327 та** лойиҳанинг **71 фоизиди** ёки **233 тасида 676 та** коррупцияни келтириб чиқарувчи омиллар аниқланиб, уларни бартараф этиш бўйича вазирлик ва идораларга тегишли тавсиялар юборилди.

Аниқланган энг кўп коррупция омиллари:

139 та	норматив-ҳуқуқий ҳужжатларда қарама-қаршиликлар мавжудлиги;
98 та	маъмурий тартиб-таомилларнинг мавжуд эмаслиги ёки тўлиқ эмаслиги;
50 та	ноаниқ ва асоссиз ҳаволаларнинг қўлланилганлиги;
56 та	танлов (аукцион) тартиб-таомилларидан бўйин товлаш имкониятини берувчи нормаларнинг мавжудлиги;
47 та	дискрецион ваколатларнинг кенглиги;
47 та	сўзларнинг нотўғри қўлланилганлиги;
41 та	истисноларнинг асоссиз равишда қўлланилганлиги;
18 та	давлат органларининг фаолияти устидан назорат қилиш шакллари ва турларининг мавжуд эмаслиги;
180 та	бошқа турдаги коррупцияни келтириб чиқарувчи омиллар.

Ҳукуматнинг 2024 йил 16 апрелдаги 205-сон қарорига асосан, 2024 йил давомида фуқаролик, оила, ахборот ва ахборотлаштириш, таълим, фан ҳамда маданият соҳаларидаги **амалдаги қонунчилик ҳужжатлари** коррупцияга қарши экспертизадан ўтказилди.

Жумладан, ушбу соҳалардаги **692 та** амалдаги қонунчилик ҳужжатлари коррупцияга қарши экспертизадан ўтказилиб, **68 та** ёки **10 фоиз** ҳужжатда **91 та** коррупциявий омил, амалга ошириш механизми ноаниқ бўлган нормалар аниқланди.

Аниқланган коррупциявий омиллар ва коллизия нормаларни бартараф этиш назарда тутилган Ўзбекистон Республикаси Президентининг “Қонунчилик ҳужжатларида коррупциявий омиллар ва ҳуқуқий бўшлиқларни бартараф этиш чора-тадбирлари тўғрисида”ги қарори лойиҳаси ишлаб чиқилиб, Ҳукуматга киритилди.

6

КОРРУПЦИЯНИНГ ОЛДИНИ ОЛИШГА ҚАРАТИЛГАН ЗАМОНАВИЙ МЕХАНИЗМЛАРНИНГ ЖОРИЙ ЭТИЛИШИ

6.1. Давлат органлари ва ташкилотларида манфаатлар тўқнашуви билан боғлиқ муносабатларни тартибга солиш

Ўзбекистон Республикасининг “Манфаатлар тўқнашуви тўғрисида”ги қонуни ижросини самарали ташкил этиш мақсадида Ўзбекистон Республикаси Президентининг ПҚ-210-сон қарори билан “Йўл харитаси” тасдиқланиб, унинг доирасида қуйидаги чора-тадбирлар амалга оширилди:

1 Қонун кучга киргунга қадар унда белгиланган талаблар ва механизмларнинг амалиётда ишлаши билан боғлиқ масалаларни давлат органлари ҳамда ташкилотларида ўрганиш ва уларга тавсиялар бериш бўйича ишчи гуруҳлари тузилди.

Бош прокурорнинг биринчи ўринбосари, Адлия вазирининг ўринбосари ва Коррупцияга қарши курашиш агентлиги директорининг биринчи ўринбосари раҳбарлигидаги ишчи гуруҳларга **республика ижро этувчи ва маҳаллий ҳокимият органлари ҳамда республика даражасидаги бошқа давлат органлари ва устав фондида давлат улуши бўлган юридик шахсларда** ўрганишлар ўтказиш вазифаси қўйилди.

2 Қонун ижросини самарали ташкил этиш мақсадида қонун татбиқ этиладиган **157 та** республика даражасидаги давлат ва ижро этувчи ҳокимият органлари, давлат мақсадли жамғармалари, маҳаллий ҳокимликлар, устав фондида давлат улуши 50 фоиз ва ундан ортиқ бўлган хўжалик жамиятлари ҳамда унитар корхоналарнинг **рўйхати шакллантирилди.**

3 Қонунни амалга ошириш бўйича **намунавий идоравий дастур** ҳамда манфаатлар тўқнашуви ҳолатлари, уларни бартараф этиш чоралари бўйича миллий ва халқаро қонунчиликка асосланган **услубий қўлланма ишлаб чиқилди**, ходимлар учун **тарқатма материаллар** тайёрланиб, давлат органлари ва ташкилотларига фойдаланиш учун юборилди.

- 4** “Мавжуд манфаатлар тўқнашуви тўғрисидаги хабарнома, эҳтимолий манфаатлар тўқнашуви тўғрисидаги декларациялар ва манфаатлар тўқнашувини ҳисобга олиш реестрининг намунавий шакллари” тасдиқланди (№3569 05.11.2024 й).
- 5** Давлат идоралари ва ташкилотлари ходимларининг манфаатлар тўқнашуви бўйича билим ва кўникмаларини баҳолаш мақсадида тест саволлари ишлаб чиқилиб, **95 600 нафардан ортиқ** ходимдан **тест синовлари қабул қилинди**.
- Тест натижалари бўйича тасдиқланадиган режа-жадвал асосида ҳар ойда манфаатлар тўқнашуви бўйича ходимларнинг малакасини оширишга қаратилган ўқув машғулоти ташкил этилиши белгиланиб, Ҳуқуқни муҳофаза қилиш академияси ва Юристар малакасини ошириш маркази томонидан **67 та** ташкилотнинг **30 760 нафар** ходими ўқитилди.
- 6** Қонуннинг мазмун-моҳияти ва аҳамиятини аҳоли ўртасида тушунтиришга қаратилган **тарғибот тадбирлари** мунтазам равишда ташкил қилиб борилмоқда.
- Хусусан, 2024 йил 7 июнь куни матбуот анжумани ташкил этилди, ОАВ ва ижтимоий тармоқларда **5 та** телекўрсатув, **2 маротаба** брифинг ҳамда **100 дан ортиқ** лавҳа эфирга узатилди.
- 7** Ишчи гуруҳлар томонидан қонун кучга киргунга қадар унда белгиланган талаб ва механизмларнинг амалиётда ишлаши билан боғлиқ масалалар бўйича давлат органлари ва ташкилотларида ўрганишлар ўтказилди.

Хусусан:

- а) айрим давлат органлари ва ташкилотларида **яқин қариндошларининг бевосита бўйсунувида** ёки назорат йўналишидаги ташкилотларда ишлаётганлиги билан боғлиқ **213 та** ҳолат аниқланди ва бартараф этиш чоралари кўрилди.
- Ходимлар келгусида манфаатлар тўқнашувига олиб келиши мумкин бўлган ҳолатларга йўл қўймаслик тўғрисида **расман огоҳлантирилди**;
- б) давлат хизматчиларининг **тадбиркорлик фаолияти билан шуғулланиши** ҳолатлари ўрганилганда, жами **1 513 нафар** ходимнинг давлат хизмати билан бир вақтда тадбиркорлик фаолияти билан шуғулланаётганлигига оид манфаатлар тўқнашуви ҳолатлари аниқланиб, бартараф этилди.

Масалан, Қишлоқ хўжалиги вазирлигида **279 та**, Қурилиш ва уй-жой коммунал хўжалиги вазирлигида **79 та**, Экология, атроф-муҳитни муҳофаза қилиш ва иқлим ўзгариши вазирлигида **72 та**, Транспорт вазирлигида **50 та**, Сув хўжалиги вазирлигида **26 та**, “Микрокредитбанк” АТБда

96 та ҳолатда, “Ўзсувтаъминот”АЖда **79 та**, “Бизнесни ривожлантириш банки” АТБ ва “Ўзбекистон темир йўллари” АЖда **46 тадан**, “Асакабанк” АЖда **37 та**, Статистика агентлигида **30 та**, Марказий банкда ҳамда “Ўзбекинвест” ЭИСК АЖда **16 тадан**, АТБ “Алоқабанк”да **15 та** ва “Туронбанк” АТБда **13 та** ҳолатда ходимлар тадбиркорлик субъектлари **таъсисчиси** эканлиги маълум бўлди.

Шу каби Навоий вилояти ҳокимлиги тизимида **19 нафар**, Тошкент вилоятида **15 нафар**, Тошкент шаҳри ва Қашқадарёда **11 нафар**, Бухорода **10 нафар**, Сирдарёда **8 нафар**, Хоразмда **8 нафар**, Фарғона **6 нафар**, Наманганда **5 нафар** ходим **тадбиркорлик субъектларида таъсисчи (ёки раҳбар)** эканлиги аниқланди.

Агентлик томонидан ходимларнинг тадбиркорлик субъектлари таъсисчилигидаги фаолиятини тўхтатиш чораларини кўриш тўғрисида давлат органлари ва ташкилотларига **33 та тақдимнома киритилди**;

- в) Агентлик томонидан 2024 йил давомида **221,3 млрд** сўмлик **111 та** давлат харидида манфаатлар тўқнашуви ҳолатларига йўл қўйилганлиги юзасидан вазирлик ва идораларга **57 та** тақдимнома, ҳуқуқни муҳофаза қилувчи органларга **54 та** сўровнома киритилиб, **75 та** ҳолатда жами **33,6 млрд** сўмлик харидлар бекор қилиниши таъминланди.

Шунингдек, ҳуқуқни муҳофаза қилувчи органларга юборилган материаллар асосида **24 нафар** шахс маъмурий, **10 нафар** шахс интизомий жавобгарликка тортилди.

Ҳисоб палатасининг масофавий таҳлилларида **241 та** давлат буюртмачисининг **296,8 млрд** сўмлик **3,2 мингта** шартномаси давлат харидлари соҳасидаги қонунчилик талабларига зид равишда **манфаатлар тўқнашувига** йўл қўйилган ҳолда тузилганлиги маълум бўлди.

Қонунбузилишига йўл қўйган **155 нафар** мансабдор шахсга нисбатан маъмурий **баённомалар** расмийлаштирилиб, тўпланган ҳужжатлар судларга юборилди.

- г) **Коррупцияга қарши ички назорат** ва кадрлар бўлинмалари ташкил этилганлиги ҳамда **одоб-ахлоқ комиссиялари фаолияти** йўлга қўйилганлиги ўрганилиб, **117 та** давлат органлари ва ташкилотлари, шунингдек, банкларда **1 284 та** штат бирлигидан иборат коррупцияга қарши ички назорат тузилмалари ҳамда Вазирлар Маҳкамасининг 2022 йил 14 октябрдаги 595-сон қарори асосида Одоб-ахлоқ комиссиялари фаолият кўрсатиб келаётганлиги маълум бўлди.

Ҳозирда Агентликнинг “**E-anticor.uz**” электрон платформасида манфаатлар тўқнашуви билан боғлиқ ҳолатларни **аниқлаш ва онлайн мониторинг** қилиш имконини берувчи электрон модул ишга туширилмоқда.

Тизим ишга жойлашиш, лавозимга тайинлаш, рағбатлантириш, аттестация ва баҳолашдан ўтказиш, рухсатнома (лицензия) бериш, харидларни амалга ошириш, назорат тадбирларини ўтказиш ва давлат мулкни хусусийлаштириш жараёнларида **непотизм, кронизм ва маҳаллийчиликнинг** олдини олишга қаратилган.

6.2. Аҳоли ва давлат хизматчиларини коррупцияга қарши курашиш бўйича ўқитиш тизимининг жорий этилиши

Аҳоли ва давлат хизматчиларининг коррупцияга қарши курашиш соҳасидаги билимини узлуксиз ошириб бориш мақсадида “Коррупцияга қарши курашиш виртуал академияси” электрон платформаси ишга туширилди.

Мазкур платформада ўқитишни самарали ташкил этиш бўйича **қуйидаги чора-тадбирлар** амалга оширилди:

1 Ҳуқуқни муҳофаза қилиш академияси билан ҳамкорликда “Коррупцияга қарши курашиш виртуал академияси” электрон платформасида давлат хизматчиларини коррупцияга қарши курашиш бўйича 2025 йилга мўлжалланган **ўқитиш режа-графи**ги, ўқитилиши лозим бўлган **давлат хизматчиларининг лавозимлари рўйхати** ва **давлат хизматчилари контингенти** тасдиқланди.

2025 йилга мўлжалланган ўқитиш режа-графикига кўра, йил давомида **140 минг** нафардан ортиқ давлат хизматчисини ўқитиш режалаштирилиб, ўқитилиши лозим бўлган давлат хизматчилари лавозимларининг **аниқ рўйхати** шакллантирилди.

2 Виртуал академияда ўқитиш ва малака ошириш **ўқув дастурлари** контингент учун мослаштирилди ҳамда **ўқув қўлланмалар, ўқув-услубий материаллар** тайёрланди.

Таълим ташкилотлари тарбияланувчилари, ўқувчилари ва талабалари учун Виртуал академияда ташкил этиладиган **махсус дастурлар** ва **контентнинг** ишлаб чиқилишини таъминлаш бўйича Агентлик, Ҳуқуқни муҳофаза қилиш академияси, Олий таълим, фан ва инновациялар вазирлиги, Мактабгача ва мактаб таълими вазирлиги, Ёшлар ишлари агентлиги масъулларидан иборат ишчи гуруҳ ташкил этилди.

Ишчи гуруҳ томонидан Виртуал академияда ўқитилиши режалаштирилаётган контингент учун қуйидаги **7 та** мослаштирилган ўқув дастурлари ишлаб чиқилиб, тасдиқланди:

- ➞ “Корпоратив субъектларда коррупцияга қарши курашиш”;
- ➞ “Давлат хизматида коррупцияга қарши курашиш”;
- ➞ “Давлат органлари ва фуқаролик жамияти институтларининг коррупциянинг олдини олиш борасидаги ҳамкорлик технологиялари”;
- ➞ “Коррупциянинг олдини олиш асослари”;
- ➞ “Тадбиркорликда коррупцияга қарши курашиш”;

- “Таълим муассасалари ўқувчилари учун мўлжалланган ўқув дастури”;
- “Таълим ташкилотлари тарбияланувчилари, ўқувчилари ва талабалари учун мўлжалланган ўқув дастури”.

Шунингдек, **10 та** ўқув қўлланма, ўқув-услубий материал ишлаб чиқилди.

Ҳозирда халқаро грант маблағлари ҳисобидан ўқув қўлланмалар, ўқув-услубий материаллар ишлаб чиқиш борасида ишлар олиб борилмоқда.

Хусусан, Германия халқаро ҳамкорлик жамияти (**GIZ**) **вакиллари** билан учрашув ташкил этилиб, Виртуал академия фаолиятида фойдаланишга мўлжалланган ўқув қўлланмалар, **ўқув-услубий материалларни** биргаликда ишлаб чиқишга келишиб олинди.

- 3** Хорижий грант маблағларини жалб қилган ҳолда **сифатли мультипликацион фильм, видеолар** ва **аудиоматериалларни** яратиш устида иш олиб борилмоқда.

Мактабгача ва мактаб таълими вазирлиги томонидан “**Коррупцияга қарши таълим**” лойиҳаси ишлаб чиқилди, Олий таълим, фан ва инновациялар вазирлиги томонидан барча номутахассислик йўналишлар талабалари учун фалсафа фани ўқув дастурига “**Коррупциянинг моҳияти, оқибатлари ва унга қарши кураш механизмлари**” модули киритилди.

- 4** Олий таълим ва илмий-тадқиқот ташкилотлари учун коррупцияга қарши курашиш соҳасида амалга оширилиши мумкин бўлган **тавсиявий йиллик илмий-тадқиқот мавзулари** ишлаб чиқилиб, “Коррупцияга қарши курашиш виртуал академияси” электрон платформасига жойлаштирилди.

- 5** “**Коррупцияга қарши курашиш виртуал академияси**” электрон платформасининг **мобиль иловаси** тест режимида ишга туширилди.

Мобиль илова орқали **видеодарслар, тест синовлари, амалий топшириқлар** ва бошқа таълим материаллари ёрдамида масофадан самарали таълим олиш имкони яратилди.

- 6** **Махсус ўқув курсларида тўлов-шартнома** асосида малака ошириш учун **тўлов миқдори** Академиянинг Васийлик кенгаши томонидан ишлаб чиқилиб, тасдиқланди.

Унга кўра, бир нафар таълим олувчи учун масофавий шаклдаги махсус ўқув курсининг 12 соатига базавий ҳисоблаш миқдорининг **7 фоизи** миқдорида тўлов амалга оширилиши белгиланди.

Маълумот учун: аҳоли, тадбиркорлик субъектлари, нодавлат нотижорат ташкилотлари ва бошқа фуқаролик жамияти институтлари вакиллари, таълим ташкилотлари тарбияланувчилари, ўқувчилари ва талабалари учун мўлжалланган **базавий ўқув курслари бепул** асосда ташкил этилади.

7

ДАВЛАТ ОРГАНЛАРИ ФАОЛИЯТИНИ РАҚАМЛАШТИРИШ

1 2024 йилда давлат бошқарувида бюрократияни қисқартириш, давлат органлари фаолиятини рақамлаштириш орқали коррупцияга имкон бераётган шарт-шароитларни бартараф этиш, шунингдек, давлат хизматларини соддалаштириш бўйича ишлар давом эттирилди.

Бугунги кунда Ягона интерактив давлат хизматлари портали орқали кўрсатиладиган хизматлари сони **710 тадан** ошди (2023-йили 570 та эди).

Хусусан, пенсия тайинлаш учун ариза бериш, тиббий маълумотнома олиш (083), кам таъминланган оилаларга болалар нафақаси ва моддий ёрдам тайинлашга ариза бериш ва нафақа тайинлаш, меҳмонхона қуриш учун субсидия олиш, талабалар учун таълим кредити олиш, давлат умумий ўрта таълим ташкилотлари педагог кадрларини касбий сертификатлаш ва бошқа хизматларнинг электрон шаклга ўтказилиши **бюрократия ва коррупция омилларини** камайитиришга хизмат қилмоқда.

Мисол учун, олдинлари талабалар таълим кредитини олиш учун 7 хил ҳужжатни турли идоралардан йиғиб, бир неча ҳафта сарсон бўлган бўлса, ҳозирда барча жараёнлар Ягона портал орқали автоматлаштирилиб, талабадан ҳеч қандай ҳужжат талаб этилмаяпти ва 5 иш кунда таълим кредити ажратилмоқда.

Ёки бўлмаса, **кам таъминланган оилаларга болалар нафақаси** тайинлаш учун илгари **15 дан ортиқ** маълумотномалар талаб қилинган бўлса, ҳозирда ушбу жараёнлар автоматлаштирилиб, Ягона портал орқали биргина ариза юбориш орқали ҳал этилмоқда.

Бунинг ҳисобига 2024 йилнинг ўзида **259 мингта** кам таъминланган оилага болалар нафақаси тайинланди.

Олий таълим муассасалари талабалари учун **ётоқхонага қабул қилиш жараёнлари** тўлиқ онлайн шаклга ўтказилиб, 2024-2025 ўқув йили учун **115 мингдан ортиқ** талаба Ягона портал орқали талабалар турар жойига йўлланмалар олган.

Энг асосийси, мазкур хизматдаги ариза топширишдан, шартнома олиш, имтиёзга эга талабгорларни аниқлаш, тақсимот, тўловларни амалга ошириш сингари барча — **8 та** жараён рақамлаштирилди.

- 2** 2024 йилда давлат ва ҳўжалик бошқаруви фаолиятини рақамлаштиришга қаратилган **75 та** лойиҳа амалиётга жорий этилди.



Бухгалтерия ҳисобининг автоматлаштирилган тизими — **UzASBO дастурий мажмуаси** такомиллаштирилди.

Дастурда:

- ➔ бюджет ташкилотлари штат жадвалларининг қоғоз шаклидан воз кечилиб, тўлиқ **электрон шакллантириш** тизими йўлга қўйилди;
- ➔ давлат органлари ва ташкилотларнинг ахборот базалари билан интеграция қилиниб, номзодни ишга қабул қилишда тизим текшируви орқали, агарда бошқа жойда ишлаётганлиги аниқланса, **тизимга киритишни автоматик рад этиш** имконияти яратилди;
- ➔ бюджет ташкилотлари штат бирликлари ажратилди, тўлов турлари ҳамда иш ҳақи тўловларини ҳисоблашдан келиб чиқиб **гуруҳларга тоифаланди**;
- ➔ тўлов турлари стандартлаштирилди, шунингдек, ҳар бир тўлов турлари ва уларнинг чегаравий миқдорларининг тегишли **норматив-ҳуқуқий ҳужжатларга мувофиқлиги таъминланди**;
- ➔ умумтаълим мактабларининг тарификация жараёнлари рақамлаштирилиб, ишлаётган ходимларга тегишли малака тоифалари интеграция қилинган ҳолда уларнинг **иш ҳақларини ҳисоблаш жараёнлари автоматлаштирилди**.

UzASBO дастурий мажмуаси такомиллаштирилиши натижасида ходимларнинг ойлик иш ҳақи, устамалар тўлаш, иш стажларини тўғри юритишдаги **хато ва камчиликларнинг олди олинди**.

Олий таълим соҳасида талабаларга тўлов шартномаларини электрон шаклда бериш, онлайн тўловларни амалга ошириш ҳамда олийгоҳлар томонидан тўловлар мониторингини юритиш бўйича **“EduBilling”** ахборот тизими жорий этилди, мазкур биллинг тизимига **110 дан** ортиқ олий таълим муассасаси уланиб, **5,93 триллион** сўм контракт тўловлари амалга оширилди.

Мактабгача ва мактаб таълимида ўқитувчиларга **малака тоифаларини бериш** тизими такомиллаштирилди. Бунда коррупциявий ҳолатларнинг олдини олиш мақсадида синов жараёнларида **илк бор FacelD** (юзни таниш) ҳамда **Blockchain** (маълумотни ўзгармас шаклда сақлаш) технологиясидан амалиётда фойдаланилди.

“Онлайн аттестация” тизимларининг жорий этилиши натижасида **335 минг** нафардан ортиқ ўқитувчи, **60 минг** нафар шифокор ва **22 минг нафар** давлат хизматчиси аттестациядан ўтказилди.

Банк хизматларини кўрсатишда коррупциявий хавф-хатарлар асосан **кредит ажратиш билан боғлиқ амалиётлар ҳиссасига тўғри келаётганлиги** сабабли мазкур жараёнларда рақамлаштиришга алоҳида аҳамият қаратилди.



Жумладан, **оилавий тадбиркорлик учун имтиёзли кредитларни** ягона электрон платформа (oilakredit.uz) орқали **ажратиш** тартиби жорий қилинди.

Барча банкларда кредитлаш жараёнларига скоринг тизими жорий қилиниб, мижозларнинг кредитга лаёқатлилигини автоматлаштирилган тартибда баҳолаш амалиёти йўлга қўйилди.

Шунингдек, кредит ажратиш жараёнларига инсон омили таъсирини камайтириш мақсадида барча турдаги чакана кредитларини (микроқарз, автокредит, истеъмор, таълим ва овердрафт кредитлар) **банкларнинг мобиль иловалари орқали онлайн тарзда ажратилиши** жорий қилиниб, ушбу амалиётлар тўлиқ рақамлаштирилди.

Транспорт соҳасида авиа, автобус ва темирйўл чипталарини **электрон харид қилиш** орқали фуқароларнинг навбатга туриш, чипта харид қилиш учун вақт сарфлаб бориб келиш каби муаммолари ҳал этилди.

Солиқ тизимининг тўлиқ рақамлаштирилиши аҳоли ва тадбиркорларга қулайлик яратиб, уларни солиқ идораларида сарсон бўлиб юриши, солиқчилар билан ноқонуний алоқага киришишининг олдини олмоқда.



Хусусан, ҳозирда **Солиқ хизматлари портали** (my.soliq.uz) ва **мобиль иловаси** орқали **50 га** яқин солиқ хизматларини кўрсатиш, аҳоли ва тадбиркорлар учун барча солиқ тўловлари ва солиқ ҳисоботларини масофадан туриб электрон шаклда тақдим этиш имконияти яратилган.

Мисол учун, фуқаро қўл телефонидаги мобиль илова орқали солиқ турлари, тўлаш муддатлари, ҳисоб-китоблар, имтиёزلардан фойдаланиш, ортиқча солиқларни қайтариш, ҳисоботларни солиқ органига юбориши мумкин.



SHAFFOF QURILISH
MILLIY AXBOROT TIZIMI

Қурилиш соҳасида «Шаффоф қурилиш» миллий ахборот тизими янада такомиллаштирилди.

Жумладан, тизимда:

қурилиши тугалланган объектларни фойдаланишга қабул қилиш жараёнини **“Қурилишда давлат назорати” электрон платформаси** орқали расмийлаштириш;



объектларнинг смета қийматини **“Қурилиш ресурслари миллий классификатори”** электрон платформаси маълумотлари асосида шакллантириш;



буюртмачи томонидан қурилишга оид бирламчи-рухсат берувчи ҳужжатлар, экспертиза хулосалари ва тендер ҳужжатлари ҳамда тегишли давлат харидлари тўғрисидаги шартномаларни **мажбурий тартибда жойлаштириш**;



бажарилган ишлар тўғрисидаги маълумотларни солиқ органларига тақдим этилган электрон ҳисобварақ-фактуралар асосида шакллантирилган ҳолда юбориш;



вазирлик ва идораларнинг ўзаро интеграция қилинган ахборот тизимлари орқали қўшимча маълумотларни *(қурилиш учун ажратилган маблағлар, ҳисобварақ-фактуралар, қурувчиларнинг ишчи ходимлари ҳақидаги, муддати ўтган кредит қарздорлиги тўғрисидаги ва бошқа маълумотлар)* тизимга жойлаштириш белгиланди.

Давлат органларининг бюджет интизомига риоя қилинишини назорат қилиш бўйича **“Масофавий аудит”** автоматлашган ахборот тизими орқали бюджет интизомига оид **2,3 трлн** сўмлик **112 мингта** молиявий хато ва камчиликлар бартараф этилди, шундан **1,6 трлн** сўмлик камчиликларнинг барвақт олди олинди.

Мазкур тизимда вазирлик ва идораларда хавфларни аниқлаш ва олдини олиш учун **447 та** модул ишга туширилди, **37 та** вазирлик ва идораларнинг **234 та** маълумот базаларига интеграция қилиниб, **28 та** турдаги риск-анализлар автоматик шаклланмоқда.



Қишлоқ хўжалиги соҳасида ерни тайёрлашдан тортиб, ҳосилни йиғиштириб олиш ва якуний ҳисобигача бўлган жараёнларни ўз ичига олувчи **“Агроплатформа”** тизими ишга туширилиб, тизимга **44 мингдан** ортиқ фермер хўжаликлари ва **120 та** кластер уланиб, тизим орқали **7,2 мингдан** ортиқ имтиёзли кредитлар ажратилди.

Электр энергияси истеъмолини ҳисобга олиш тизимининг жорий этилиши **10 миллионга** яқин абонентга хизмат кўрсатиш, маълумотларни қайта ишлаш вақтини **5 баробарга** (10 соатдан 2 соатгача) қисқартириш имконини берди.

Мажбурий ижро бюросида ишга туширилган алимент тизими орқали **216 мингта** ижро иши тугатилиб, **97 миллиард** сўм қарз автотўлов тизими орқали тўлаб берилди.



TOZA MAKON

“Тоza Макон” тизими доирасида санитария тозалаш корхоналарининг **2,4 минг** нафардан ортиқ назоратчиси “учтаси бирда” тўлов терминаллари билан таъминланди, **155 та** санитария корхонасига қарашли **3,4 мингта** махсус техникага GPS қурилмалари ўрнатилди.

Фуқаролар ва тадбиркорлик субъектларига Давлат бюджетидан тўланадиган субсидиялар ва компенсацияларни ажратишнинг шаффофлиги, шунингдек, субсидия ва компенсация тўловларининг манзилли етказилишини таъминловчи “**Subsidiya.mf.uz**” платформаси янада такомиллаштирилди.

Хусусан, 72 та субсидия турининг тўлов жараёни мазкур ахборот тизими билан қамраб олинган.

44 та	қишлоқ ва сув хўжалиги
18 та	камбағалликни қисқартириш ва аҳоли бандлигини таъминлаш
7 та	ветеринария ва чорвачиликни ривожлантириш давлат қўмитаси
2 та	фуқароларга ипотека кредитлари бўйича бошланғич бадал ва фоиз қисмини қоплаш
1 та	муҳтож шахсларни протез-ортопедия мосламалари ва реабилитация қилишнинг техник воситалари билан таъминлаш

*Рақамлаштириш борасида амалга оширилаётган чора-тадбирлар натижасида БМТнинг **Электрон ҳукуматни ривожлантириш индекси**да Ўзбекистоннинг ўрни **6 поғонага** юқорилаб, **196 та** давлат ичида **63-ўринни** эгаллади ҳамда индекснинг жуда баланд (*Very High EGI*) гуруҳига қўшилди.*

8

АЛОҲИДА СОҲАЛАРДА КОРРУПЦИЯ ХАВФ-ХАТАРЛАРИНИНГ ТАҲЛИЛИ ҲАМДА КОРРУПЦИЯГА ИМКОН БЕРАЁТГАН ОМИЛЛАРНИ БАРТАРАФ ЭТИШ

Давлат бюджети маблағларидан самарали фойдаланиш, очиқлик ва ҳисобдорликни таъминлаш

Давлат бюджети маблағларидан мақсадли ва самарали фойдаланишни таъминлаш учун давлат молиявий назоратини янада кучайтириш, бюджет маблағларини тақсимловчи вазирлик ва идораларда ички аудит тизимини такомиллаштириш, шунингдек, жамоатчилик иштироки ва назоратини кенгайтириш мақсадида Ўзбекистон Республикаси Президентининг 2024 йил 10 июлдаги “Бюджет маблағларидан фойдаланиш устидан молиявий назоратни кучайтириш бўйича қўшимча чора-тадбирлар тўғрисида”ги ПФ-100-сон Фармони қабул қилинди.

- ➔ Фармонга мувофиқ, **Ҳисоб палатаси** томонидан Ўзбекистон Республикасининг консолидациялашган бюджети ижросини ташқи аудитдан ўтказиш;
- ➔ 2025 йилдан бошлаб устав фондида (устав капиталида) давлат улуши 50 фоиз ва ундан ортиқ бўлган йирик ташкилотлар фаолиятини аудитдан ўтказиш;
- ➔ стратегик ва ахборот технологиялари аудитини ўтказиш;
- ➔ Қорақалпоғистон Республикаси бюджети, вилоятлар ва Тошкент шаҳар маҳаллий бюджетлари ижроси тўғрисидаги йиллик ҳисоботнинг ташқи аудити натижалари, шунингдек, келгуси йил учун бюджет лойиҳасини баҳолаш бўйича Ҳисоб палатасининг хулосаларини Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашларининг мажлисларида Ҳисоб палатасининг масъул вакиллари иштирокида муҳокама қилиш;
- ➔ ҳар чоракда Ҳисоб палатаси томонидан ўтказилган назорат тадбирлари яқунлари бўйича тақдим этилган ахборотларни Вазирлар Маҳкамасининг мажлисларида муҳокама қилиб бориш тартиби йўлга қўйилди.

Бундан ташқари, 2025 йил 1 январдан бошлаб молиявий ва бошқа хавфларнинг олдини олиш учун давлат органлари ва ташкилотлари биринчи раҳбарлари бошчилигида коллегиял асосда **“Хавфларни бошқариш” қўмиталарини** тузиш белгиланди.

Ҳисоб палатаси томонидан бюджет интизомига риоя қилиш, бюджет маблағларининг мақсадли сарфланиши бўйича 2024 йилда **36 та** назорат тадбири ўтказилди.

9,2 трлн сўм бюджет маблағлари мақбуллаштирилиб, устувор мақсадларга қайта йўналтирилди.

Жумладан, давлат мақсадли жамғармаларидан 2,1 трлн сўм, ташаббусли бюджет жараёнлари юз олинган 1,7 трлн сўм мақбуллаштирилди.

496 млрд сўмлик ортиқча тўловлар аниқланиб, шундан **418 млрд** сўми ундирилди ҳамда **55 млрд** сўм ноқонуний харажатларнинг олди олинди.

Олий таълим, фан ва инновациялар вазирлиги ҳамда тизим ташкилотларида бюджет тизими бюджетларидан ажратилган маблағлар ҳисобидан амалга оширилаётган харажатлар самарадорлиги ҳамда қонунийлиги аудитдан ўтказилди.

Олий таълим тизимидаги **35 та** муассасада **499 нафар** ўқитувчига аслида академик даража бериш ҳуқуқига эга бўлмаган сертификатлар асосида **15,1 млрд** сўм ноқонуний тўлангани аниқланиб, бюджетга ундирилди.

Смета-штат интизомини бузган ҳолда **иш ҳақи** ҳамда **стипендия** тўловлари учун бюджет маблағларидан **45,2 млрд** сўм ортиқча сарфланган бўлса, **73,7 млрд** сўм мақсадсиз харажатларга йўл қўйилган.

Камбағалликни қисқартириш ва бандлик вазирлиги тизимида **14 млрд** сўмлик ортиқча тўловлар, камомадлар, мақсадсиз ва самарасиз сарфланган маблағлар ҳамда бошқа қонунбузилиши ҳолатлари аниқланган.

Бундан ташқари, депозитга қўйилган **18 млрд** сўмлик маблағ ҳисобидан умидсиз дебитор қарздорлик вужудга келган.

Иссиқлик таъминоти корхоналари учун аҳолига тарифларни паст нархларда ушлаб туриш натижасида кўрилган зарарни қоплаш харажатлари ўрганилди.

«Veolia Energy Tashkent» Махсус лойиҳа компанияси билан Тошкент шаҳар ҳокимлиги ўртасида расмийлаштирилган давлат-хусусий шериклик тўғрисидаги битим бўйича аҳолига пасайтирилган

тариф қўлланилиш натижасида кўрилган зарарлар ўрнини қоплаш учун **277 млрд** сўм ортиқча субсидия маблағлари ажратилганлиги аниқланган.

Бошқа соҳаларда **1,7 трлн** сўмлик мақсадсиз ва самарасиз харажатларга йўл қўйилганлиги аниқланиб, бартараф этиш чоралари кўрилди.

Оилавий тадбиркорликни ривожлантириш дастури доирасида айрим таъминотчилар томонидан ҳақиқатда мавжуд бўлмаган маҳсулотлар платформа орқали реализация қилиниб, ўртача **25 фоизга** қиммат нархда сотилган.

Масалан, мототранспортлар **558 млрд** сўмга, иссиқхона қуриш **207,5 млрд** сўмга ва мотокультиваторлар **113 млрд** сўмга қиммат нархларда етказилган.

«Маркетплейс» тизимида ноҳалол таъминотчилар реестри шакллантирилиши автоматлаштирилиб, кредитлашнинг барча босқичлари бўйича мониторинг йўлга қўйилди.

2024 йилда ўтказилган назорат тадбирлари якуни билан камчиликларни бартараф этиш юзасидан масъул ижрочиларга **223 та** кўрсатма, **43 та** тақдимнома ҳамда **683 та** тақлиф ва **700 дан** ортиқ тавсиялар киритилди.

Қишлоқ хўжалигини давлат томонидан қўллаб – қувватлаш жамғармасидан ажратилган субсидия маблағларининг мақсадли сарфланиши ўрганилганда **5 млрд** сўм **субсидия самарасиз сарфланганлиги** ва низом талабларига амал қилинмаган ҳолда **500 млн** сўм субсидия тўлаб берилганлиги аниқланди.

Маҳаллий бюджет маблағларининг мақсадли сарфланиши ўрганилганда **Жиззах** вилоятида **27,4 млрд** сўмлик, **Самарқанд** вилоятида **19,4 млрд** сўмлик молиявий хатоликларга йўл қўйилганлиги аниқланган.

Давлат органлари ва ташкилотлари томонидан бюджет жараёнининг очиқлигини таъминлаш, жумладан, очиқ маълумотлар порталига маълумотларни ўз вақтида жойлаштиришни таъминламаган **54 та** вазирлик ва идораларга кўрсатмалар юборилди.

Давлат харидлари соҳасида коррупциянинг олдини олиш ва шаффоф харидлар тизимини яратиш

Коррупциявий хавф-хатар юқори бўлган **давлат харидлари** соҳасида ҳам бир қатор ижобий ўзгаришлар амалга оширилди.

Жумладан, давлат харидлари тизимини такомиллаштириш, очиқлик ва шаффофликни таъминлашга қаратилган **15 та** норматив-ҳуқуқий ҳужжат лойиҳалари ишлаб чиқилиб, **5 таси** қабул қилинди.

Маълумот учун: “Давлат харидлари тўғрисида”ги ва “Лицензиялаш, рухсат бериш ва хабардор қилиш тартиб-таомиллари тўғрисида»ги қонунларга қўшимча ва ўзгартиришлар киритиш тўғрисидаги 2 та қонун, 2025 – 2027 йилларда давлат харидлари тизимини такомиллаштириш ва ривожлантириш стратегияси, Давлат харидларида ишлаб чиқарувчиларни қўллаб-қувватлаш ҳамда уларга кенг имкониятлар яратиш бўйича қўшимча чора-тадбирлар тўғрисидаги ва Давлат харидларида кичик тадбиркорлик субъектлари иштирокини рағбатлантириш чора-тадбирлари тўғрисидаги 2 та қарор.

Натижада:

- ➔ давлат буюртмачилари томонидан тўғридан-тўғри шартномалар тузилишидан олдин камида **бир иш кун**, тендер савдолари натижаларини эса камида **икки иш кун** давомида **жамоатчилик муҳокамасидан** ўтказиш тизими йўлга қўйилди;
- ➔ Ягона етказиб берувчилар реестрига **Рақобатни ривожлантириш ва истеъмолчилар ҳуқуқларини ҳимоя қилиш қўмитаси** хулосаси асосида киритиш тартиби жорий этилди;
- ➔ **тўғридан-тўғри шартномалар тузишни камайтириш** давлат органлари раҳбарларининг энг муҳим самарадорлик кўрсаткичларидан (KPI) бири сифатида белгиланди ҳамда тўғридан-тўғри харидларнинг улушини кескин камайтириш бўйича кўрилган чоралар юзасидан **Вазирлар Маҳкамасига ҳисобот бериб бориш** тизими йўлга қўйилди;
- ➔ тадбиркорлик субъектларининг давлат харидлари тўғрисидаги қонунчилик талабларига риоя этишини инсон омилисиз баҳолаб боровчи **скоринг тизими** жорий этилди;
- ➔ давлат харидлари субъектларига давлат харидлари электрон тизимларида харид қилиш тартиб-таомилларини амалга ошириш билан боғлиқ хизматлар кўрсатишда **давлат харидлари электрон тизими оператори** фаолиятини амалга ошириш учун **рухсатнома олиш** талаби белгиланди;
- ➔ Ўзбекистон Республикасининг “Давлат харидлари тўғрисида”ги Қонуни шикоятларни кўриб чиқишда манфаатлар тўқнашувини назарда тутувчи 79¹-модда билан тўлдирилиб, Давлат харидлари соҳасидаги шикоятларни кўриб чиқиш бўйича комиссия аъзоларида харид қилиш тартиб-таомиллари иштирокчилари билан **манфаатлар тўқнашуви**, шунингдек, **аффилиланганлик** мавжуд бўлган тақдирда, **ўзини ўзи рад этиши** ва мазкур масала бўйича овоз беришда иштирок этмаслиги тартиби ўрнатилди.

Ўзбекистон Республикаси Иқтисодиёт ва молия вазирлиги ҳузуридаги ўқув марказида давлат буюртмачилари ҳамда корпоратив ташкилотларнинг харид қилиш тартиб-таомилларини ташкил этиш ва ўтказиш учун масъул шахслари учун **“Давлат харидларини ташкил этиш ва амалга ошириш тартиби”**, **“Давлат харидларида етказиб берувчилар учун махсус курс”**, **“Харид комиссияси фаолияти ва уни ташкил этиш махсус ўқув курси”** номли малака ошириш курслари ташкил этилди.

Мазкур курсларда анъанавий (*ишдан ажралган ҳолда*) ҳамда масофавий таълим шаклида **3 470 нафар** ходим малакаси оширилди.

Давлат харидлари соҳасида шикоятларни электрон шаклда кўриб чиқиш учун мўлжалланган тизим (*dxtm.mf.uz*) давлат харидлари электрон тизими операторларининг дастурлари билан интеграция қилинди.

Давлат харидлари жараёнининг очиқлигини таъминлаш ва манфаатлар тўқнашувининг олдини олиш мақсадида **тадбиркорлик субъектларининг охирги манфаатдор шахслари** (бенефициарлари) тўғрисидаги маълумотларни ошкор қилиш тизими давлат харидлари махсус ахборот порталида жорий этилди.

Амалга оширилаётган ишлар натижасида Иқтисодий ҳамкорлик ва тараққиёт ташкилотининг коррупцияга қарши курашиш бўйича Истанбул ҳаракатлар режаси доирасида ўтказилган 5-босқич мониторинг натижасига кўра, Ўзбекистон давлат харидлари тизими 53.2 балл билан **“юқори”** тоифага кўтарилди.

Бироқ, давлат харидлари соҳасида қонунбузилиши ҳолатлари, коррупция хавф-хатарлари юқорилигича сақланиб қолмоқда.

*Бош прокуратура томонидан 2018 - 2024 йилларда давлат харидларини амалга оширишда содир этилган коррупциявий жиноятлар таҳлил қилинганда, соҳада **791 нафар** шахс жиноий жавобгарликка тортилгани аниқланди.*


*Уларнинг **89 нафарини** давлат иштирокидаги ташкилотлар, **238 нафарини** тадбиркорлик субъектлари ҳамда **464 нафарини** давлат органлари вакиллари ташкил этади.*

Жавобгарликка тортилган давлат органлари вакиллари

12 нафари	қурилиш
14 нафари	молия
14 нафари	қишлоқ хўжалиги
14 нафари	бандлик
15 нафари	маданият
16 нафари	спорт
17 нафари	олий таълим
73 нафари	маҳаллий давлат ҳокимияти
116 нафари	соғлиқни сақлаш
149 нафари	мактабгача ва мактаб таълими

Давлат харидлари тўғрисидаги қонунбузилиши ҳолатлари бўйича **маъмурий ҳуқуқбузарлик** содир этиш тенденцияси давом этмоқда.

Давлат харидлари бўйича маъмурий ҳуқуқбузарликлар сони (МЖтК 175⁸-моддаси)



Ҳисоб палатаси томонидан давлат харидларининг самарадорлиги ва қонунийлиги юзасидан **21 та** аудит тадбири ўтказилиб, **4,5 трлн** сўмлик давлат харидлари тўғрисидаги қонунчилик талабларини бузиш ҳолатлари аниқланган.

Масалан **772,1 млрд** сўмлик тўғридан-тўғри тузилган шартномалар давлат харидлари тўғрисидаги қонунчилик талаблари бузилган ҳолда амалга оширилган.

Иқтисодий жиноятларга қарши курашиш департаменти томонидан **121 та** ҳолатда давлат харидлари билан боғлиқ **1,1 трлн** ноқонуний харажатларнинг олди олинган.

Харид талабларига зид равишда тўғридан-тўғри тузилган **595 млрд** сўмлик, “Шаффоф қурилиш” тизимини четлаб ўтиш асосида тузилган **255 млрд** сўмлик, манфаатлар тўқнашувига йўл қўйиш билан боғлиқ **96 млрд** сўмлик, харид қиймати бўйича ўрнатилган чекловларни бузган ҳолда тузилган **63,9 млрд** сўмлик, харид қийматини экспертизадан ўтказмасдан тузилган **23 млрд** сўмлик ҳамда бошқа турдаги ноқонуний келишувлар билан боғлиқ **59,1 млрд** сўмлик шартнома ва битимлар бекор қилинган.

Тадбиркорлик ва бизнес соҳасида коррупциянинг олдини олиш масалалари

Хусусий секторда коррупциянинг олдини олиш мақсадида тадбиркорлик субъектларининг фаолиятини текшириш, уларнинг фаолиятига қонунга ҳилоф равишда аралашишга йўл қўймаслик, тадбиркорларнинг ҳуқуқларини ҳимоя қилиш борасида бир қатор ишлар амалга оширилди.

Ўзбекистон Республикаси Президентининг 2024 йил 11 ноябрдаги ПФ-184-сон Фармони билан тадбиркорлик фаолиятини давлат томонидан **назорат қилиш тизимини** такомиллаштириш ва ушбу соҳада **коррупциявий омилларни бартараф** этиш мақсадида:

- ➔ тадбиркорлик субъектлари фаолиятини назорат қилишга ваколатли органлар ва уларнинг назорат соҳалари рўйхати тасдиқланди ҳамда рўйхатга киритилмаган органлар томонидан тадбиркорлик субъектлари фаолиятида назорат тадбирларини ўтказиш тақиқланди;
- ➔ **2025 йил 1 январдан** бошлаб тадбиркорлик субъектлари фаолиятида ўтказиладиган барча текширувларни **“Ягона давлат назорати”** ахборот тизимида рўйхатга олиш орқали **Бизнес-омбудсманни хабардор этиш тартиби** йўлга қўйилди;
- ➔ **“Хавфни таҳлил қилиш”** электрон тизими ишга туширилиб, тадбиркорлик субъектлари фаолиятида ҳуқуқбузарлик содир этиш хавфини **“паст”, “ўрта”** ва **“юқори”** даражаларда таснифлаш ҳамда хавф даражасига қараб текширув ўтказиш тартиби йўлга қўйилди.

Ўзбекистон Республикаси Президентининг 2024 йил 9 январдаги ПФ-8-сон Фармони билан Тадбиркорлик соҳасида **лицензиялаш, рухсат бериш** ва хабардор қилиш тартиб-таомилларини соддалаштириш мақсадида 2024 йил 1 мартдан бошлаб **19 та** ҳужжат ва тартиб-таомиллар бекор қилинди ва **3 таси** хабардор қилиш тартибига ўтказилди.

Масалан, божхона ташувчиларининг реестрига киритиш, Тураржойни ижарага беришнинг Ягона электрон реестрига киритиш, Автомобилтранспорт воситалари ва шаҳар электр транспорти воситалари ҳайдовчиларининг малакасини ошириш фаолиятини бошлаганлик ёки тугатганлик тўғрисида хабарнома, Маданий бойликларни реализация қилиш бўйича фаолиятни бошлаганлик ёки тугатганлик ҳақида хабарнома ва бошқа.

- ➔ лицензия ёки рухсат этиш хусусиятига эга ҳужжатни бериш жараёнида видеоалоқа воситалари ёрдамида талабгорларнинг лицензия ва рухсат этиш хусусиятига эга ҳужжатлар талаб ва шартларига мувофиқлигини масофадан туриб баҳолаш тартиби жорий этилди;
- ➔ тадбиркорлик субъектини давлат рўйхатидан ўтказиш ёки қайта рўйхатдан ўтказишда унинг почта манзили сифатида муассиснинг турар жойини кўрсатишга рухсат берилди.

Ўзбекистон Республикаси Президентининг 2024 йил 23 январдаги ПҚ-39-сон Қарори билан **тадбиркорлик субъектларининг барқарорлик рейтинги** жорий этилди.

Юқори барқарорлик рейтингдаги тадбиркорлик субъектлари учун **солиқ текширувлари ўтказилмаслиги** ва имтиёзли кредитлари тақдим этилиши, шунингдек, субсидиялар, имтиёзлар ва преференциялар уларнинг **рейтинг даражасидан келиб чиққан ҳолда** берилиши белгиланди.

Тадбиркорлик фаолиятига ноқонуний аралашиш ҳолатларининг олдини олиш мақсадида **Савдо саноат палатаси** томонидан **1 041 та** норматив-ҳуқуқий ҳужжатлар лойиҳалари бўйича **жамоатчилик экспертизаси** ўтказилиб, **900 та** таклиф ишлаб чиқилди.

БМТнинг Гиёҳванд моддалар ва жиноятчилик бўйича бошқармаси билан ҳамкорликда “Тадбиркорлик фаолияти ва унинг устидан давлат назорати жараёнларида коррупция хавфини камайтириш” мавзусида III Бизнес-форум ўтказилди.

2024-йилда Ўзбекистон бизнесининг коррупцияга қарши курашиш Хартияси бўйича махсус комиссиянинг **1 та** йиғилиши ўтказилди ва **19 та** тадбиркорлик субъекти хартия аъзолигига қабул қилинди.

Бизнес-омбудсман томонидан тадбиркорларнинг ҳуқуқларини ҳимоя қилиш борасида **2 580 та** таъсир чораси, шундан **58 та** даъво аризаси (шикоят), **74 та** тақдимнома, **147 та** хулоса, **35 та** огоҳнома ва **2 266 та** маъмурий жазо чоралари қўлланилди.

Натижада ҳисобот даврида судлар томонидан **16,6 млрд** сўмлик даъво тадбиркорлар фойдасига ҳал этилган, **118 та** қарор бекор қилинган ва **123 нафардан** ортиқ масъулга интизомий жазо чоралари қўлланилган.

Бундан ташқари, Бизнес-омбудсман ҳамда БМТнинг Гиёҳвандлик ва жиноятчиликка қарши курашиш бошқармаси билан ҳамкорликда “Тадбиркорлик субъектлари фаолияти устидан давлат назоратини амалга ошириш жараёнида коррупциявий хавф-хатарларни камайтириш” дастури амалга оширилди.

Дастур доирасида **11 та** норматив-ҳуқуқий ҳужжат коррупцияга қарши экспертизадан ўтказилди.

9

КОРРУПЦИЯГА ҚАРШИ КУРАШИШДА ЖАМОАТЧИЛИК ИШТИРОКИ

Коррупцияга қарши курашиш ва унинг олдини олишда энг самарали воситалардан бири бу – кенг аҳоли вакилларида коррупцияга қарши мурасасиз муносабатни шакллантириш ҳамда давлат органлари ва ташкилотлари устидан самарали жамоатчилик назоратини ўрнатиш ҳисобланади.

Бу борада коррупцияга қарши курашиш жараёнларига аҳоли, хусусан, ёшлар, нодавлат нотижорат ташкилотлар фаол жалб этилиб, республика ва ҳудудларда давлат органлари фаолияти мувофиқлаштириб борилди.

9.1 Ёшларда коррупцияга қарши курашиш иммунитетини шакллантириш

Ёшларни коррупцияга мурасасиз руҳда тарбиялаш ва мазкур жараёнга фаол жалб қилиш мақсадида Коррупцияга қарши курашиш бўйича Миллий кенгашнинг 2024 йил 26 январдаги 12-сонли баённомаси билан GRACE дастурини Ўзбекистонда жорий этиш бўйича **2024-2027 йилларга мўлжалланган “Йўл харитаси” тасдиқланди ва ижроси таъминланди.**

Маълумот учун: GRACE дастури БМТнинг *Гуёҳванд моддалар ва жиноятчилик бўйича бошқармаси* томонидан 2021 йилда ишга туширилган, коррупцияга қарши таълим ва ёшларнинг имкониятларини кенгайтириш ташаббуси ҳисобланади. **GRACE дастурининг мақсади** – таълим ва ўзаро ҳамкорликдаги лойиҳалар орқали дунё ёшлари орасида коррупцияга қарши мурасасиз муносабатни шакллантириш ҳисобланади.

Ёшлар ўртасида тарғибот-ташвиқот тадбирлари

2024 йил давомида ёшлар ва жамоатчилик ўртасида коррупциянинг салбий оқибатларини тарғиб қилиш, унинг олдини олиш ва ҳалолликни мустаҳкамлашга қаратилган тизимли тарғибот ишлари амалга оширилди.

Агентлик ҳамда Ёшлар ишлари агентлиги томонидан коррупцияга қарши курашишни тарғиб қилувчи **10 турдаги** тарғибот материаллари (*буклетлар, фото, видео ҳамда аудио материаллар*) ишлаб чиқилди.



**YOSHLAR ISHLARI
AGENTLIGI**

Ёшларишлари агентлиги томонидан маҳаллалардаги ёшлар етакчилари, профилактик инспекторлар ва тегишли ташкилотлар билан биргаликда коррупцияга қарши курашишнинг самарадорлигини ошириш учун **9 452 та** йиғилиш ва тарғибот тадбирлари ўтказилди. Бу тадбирларда ёшлар ўртасида коррупциянинг салбий оқибатлари ва унинг жамиятга бўлган зарарли таъсири ҳақида маълумотлар берилди.

*Маҳаллалардаги **682 минг нафар** ёшлар орасида коррупцияга қарши курашиш ҳақида маълумот берилган. Тадбирлар доирасида **5 мингдан** ортиқ ёшларни жалб этиш учун махсус тарғибот кампаниялари ташкил этилди.*

*Маҳаллаларда коррупциянинг жамият ва ёшлар ҳаётига бўлган салбий таъсири бўйича **1 345 та** давра суҳбати ўтказилди, ушбу суҳбатларда ёшлар, ота-оналар ва педагоглар ўртасида коррупциянинг ижтимоий ва иқтисодий таъсири ҳақида ўрганиш ишлари олиб борилди.*

Коррупциянинг салбий оқибатлари ҳақида **5 минг нафардан** ортиқ ёшларни ўз ичига олган тарғибот материаллари тарқатилди ва уларнинг жамоатдаги енгилмаслиги ва ҳалолликни қўллаб-қувватлашнинг аҳамияти тушунтирилди.

Олий таълим, фан ва инновациялар вазирлиги томонидан **#Stop_korrupsiya** хештеги остида олий таълим муассасаларининг ижтимоий тармоқлардаги саҳифаларида **485 маротаба** челлендж ўтказилди.

Ўтказилган челленджларда жами **57 142 нафар** ходимлар, профессор-ўқитувчилар ҳамда талаба-ёшлар иштирок этди.

Ёшлар учун ташкил этилган интерактив тадбир ва семинарлар

2024 йилнинг ноябрь-декабрь ойлари давомида **126 та** олий таълим ташкилотларида “Ёшлар коррупцияга йўқ дейди” мавзусида “Энг яхши расмлар”, “Коррупциядан ҳоли таълим муассасаси” мавзусида “Энг яхши видеороликлар” республика кўрик-танловлари ҳамда Коррупцияга қарши курашишга оид билимлар беллашувининг барча босқичлари юқори савияда ташкил этилди.

Танлов ва беллашувлар билан **145 минг** нафардан ортиқ талаба-ёшлар қамраб олинди.

Ёшларнинг коррупцияга қарши курашишга оид билимларини баҳолаш мақсадида “ОТМ – вилоят – республика” тизими асосида билимлар беллашуви мусобақалари ташкил этилиб, олий таълим муассасалари босқичларида **18 603 нафар** талаба-ёшлар иштирок этди.

*2024 йилнинг 22 ноябрь куни Халқаро коррупцияга қарши курашиш куни муносабати билан Ҳуқуқни муҳофаза қилиш академиясида Коррупцияга қарши курашиш агентлиги билан БМТнинг Гиёҳванд моддалар ва жиноятчилик бўйича бошқармаси, “Минтақавий мулоқот” ХННТ ва Германия халқаро ҳамкорлик жамияти (ГИЗ) ҳамкорлигида **“БМТнинг Коррупцияга қарши конвенцияси иштирокчи-давлатлари конференцияси модели: иккинчи босқични амалга ошириш обзори” ўтказилди.***

Тадбирда Қорақалпоқ давлат университети, Тошкент шаҳридаги Халқаро Вестминстер университети, Жаҳон иқтисодиёти ва дипломатия университети, Самарқанд давлат университети, Тошкент давлат юридик университети, Судьялар олий кенгаши ҳузуридаги Судьялар олий мактаби, Ўзбекистон Миллий университети, Термиз давлат университети, Наманган давлат университети ва Ҳуқуқни муҳофаза қилиш академиясидан бакалаврият талабалари ва магистратура тингловчилари иштирок этди.

Ихтисослаштирилган муассасаларда коррупцияга қарши курашиш дастурларининг жорий этилиши

Олий таълим, фан ва инновациялар вазирлиги томонидан “Grace” платформасидаги қўлланма ва видеоматериаллар давлат тилига таржима қилинди.

Дастурнинг Академик тармоғи (The anti-corruption academic (ACAD)га Ҳуқуқни муҳофаза қилиш академиясининг коррупцияга қарши курашиш соҳасида таълим ва тадқиқотларни амалга оширувчи **15 нафар** профессор-ўқитувчиларининг аъзо бўлиши таъминланди.

*Ҳуқуқни муҳофаза қилиш академияси ҳамда масъул вазирликлар томонидан “Коррупцияга қарши курашиш виртуал академияси” электрон платформасида **олий таълим муассасалари, профессионал таълим ва академик лицейлар талабалари** учун мўлжалланган “Коррупцияга қарши курашиш” махсус ўқув курси дастури, шунингдек, **таълим ташкилотлари тарбияланувчилари, ўқувчилари** учун махсус ўқув курси дастури ишлаб чиқилди.*

9.2 ННТ ва ОАВларнинг коррупцияга қарши курашишдаги иштирокини кенгайтириш

Коррупцияга қарши курашишда фуқаролик жамияти институтлари, айниқса, нодавлат нотижорат ташкилотларининг фаоллигини ошириш бўйича ташкилий-амалий жиҳатдан кўмак берилиб, **34 та** семинар-тренинг тадбирларида **840 нафардан ортиқ** нодавлат сектор, ОАВ вакиллари, журналист, блогерлар ва бошқа шахсларнинг соҳага оид билим ва кўникмалари оширилди. Жумладан:

*Ўзбекистон Республикаси Президенти ҳузуридаги **Давлат бошқаруви академиясида** нодавлат нотижорат ташкилотлари раҳбарларини қайта тайёрлаш ва уларнинг малакасини ошириш вазифаси доирасида ўқув-дастурига “Коррупцияга қарши курашда жамоатчилик назоратини амалга ошириш ва жамоатчилик мониторингини ташкил этиш” мавзуси киритилди.*

Нодавлат нотижорат ташкилотлари миллий ассоциацияси билан биргаликда “Коррупцияга қарши курашишда нодавлат нотижорат ташкилотларнинг иштироки” мавзусида амалий мулоқот ўтказилди (2024 йил, 8 май).

Нодавлат нотижорат ташкилотлари учун “Коррупцияга қарши курашишда нодавлат нотижорат ташкилотлари иштироки: хориж тажрибаси” мавзусида онлайн семинар ташкил этилди (2024 йил, 14 июнь).

Агентлик ва “Ижтимоий фикр” маркази томонидан “Коррупция жамоатчилик фикри кўзгусида” (“Фуқаролар Ўзбекистонда коррупция тўғрисида” мавзусида ўтказилган социологик тадқиқот натижалари асосида) давра суҳбати ўтказилди (2024 йил, 27 июнь).

Коррупцияга қарши курашиш агентлиги БМТ ТД, Европа Иттифоқи билан ҳамкорликда Агентлик ҳузуридаги Жамоатчилик кенгаши, Экспертлар гуруҳи ҳамда оммавий ахборот воситалари вакиллари иштирокида Ёзги мактаб семинари ташкил этилди (2024 йил, 26-27 июнь).

16 октябрь куни “**IV Тошкент Аксилкоррупция Форуми**” доирасида “**Коррупцияга қарши курашишда ННТлар иштироки: миллий ва хорижий тажриба таҳлили**” мавзусидаги интерактив сессияси ташкил этилди. Унда ННТларнинг коррупцияга қарши курашишдаги ўрни ва роли, хорижий амалиёт ва тажриба, халқаро ва маҳаллий ННТлар ушбу йўналишда амалга оширган ишлари, эришган натижалари, юзага келган муаммолар борасида ўзаро фикр алмашилди.

Нодавлат нотижорат ташкилотлари билан амалий мулоқот ва ҳамкорлик доирасида бажарилган ишлар

Ўтказилган семинар ва тренинглар натижасида ННТларнинг коррупцияга қарши курашиш жараёнида иштироки сезиларли равишда жонланди. Улар ташаббуси билан амалий мулоқот, жамоатчилик эшитувлари ташкил этилди.

2024 йилда Агентлик буюртмасига асосан Олий Мажлис ҳузуридаги жамоат фонди томонидан 400 млн сўмлик грант танлови эълон қилинди.

Унда “Ўзбекистон инсон ҳуқуқлари “Эзгулик” жамияти” ғолиб деб топилди, Республиканинг **14 та** ҳудудида ННТ вакиллари учун амалий семинарлар ташкил этди.

2024 йилда Коррупцияга қарши курашиш агентлиги БМТ Тараққиёт дастури билан ҳамкорликда ва Европа Иттифоқи молиявий кўмагида “Коррупцияга қарши курашиш ва унинг олдини олишда инновацияларни ишлаб чиқиш ва амалга жорий этиш жараёнига фуқаролик жамияти институтларини жалб қилиш” мавзусида грантлар танлови натижасида **8 та** ННТга **665 млн** сўмлик грант ажратилди.

Ушбу лойиҳаларнинг амалга оширилиши натижасида нодавлат ташкилотлари томонидан:

- ➔ коррупцияга қарши курашиш йўналишида лойиҳа ва амалий тадқиқотларни тизимли амалга ошириш йўлга қўйилди;
- ➔ соҳа ва йўналишлардаги коррупциянинг сабаб ва омиллари аниқланиб, уларни бартараф этиш бўйича ҳукуматга таклифлар киритиб борилмоқда;
- ➔ аҳоли, хусусан, ёшлар ва аёлларда коррупцияга қарши муросасиз кайфиятни шакллантиришга қаратилган лойиҳалар амалга оширилмоқда;
- ➔ барча вилоятлардаги олий таълим муассасаларида (61 та) Аксилкоррупция коворкинг марказлари ташкил этилди;
- ➔ ёшлар учун расми Аксилкоррупция алифбоси яратилди;
- ➔ кўришда ва эшитишда нуқсони бор шахслар учун методик ва амалий қўлланмалар тайёрланмоқда.

YUKSALISH

Бундан ташқари, “Юксалиш” ҳаракати томонидан Коррупцияга қарши курашиш агентлиги ҳамда “Минтақавий мулоқот” халқаро нодавлат ташкилоти (Словения) билан ҳамкорликда амалга ошираётган **Аксилкоррупция лабораторияси** давом эттирилди ҳамда 2024 йилда **2 та** мавзу бўйича тадқиқотлар олиб борилди.


Лойиҳа доирасида “**Мактабга қабул қилишда коррупция хавфини камайтириш бўйича тавсияларнинг бажарилишини мониторинг қилиш**” ҳамда “**Ипотека кредити учун субсидия ажратиш жараёнида коррупция хавфлари**” мавзусидаги тадқиқоти олиб борилди.

Ўзбекистоннинг коррупцияга қарши курашиш борасидаги саъй-ҳаракатларини қўллаб-қувватлаш мақсадида “**Юксалиш**” ҳаракати, “**Search Uzbekistan**” халқаро нотижорат ташкилотининг Ўзбекистондаги филиали билан ҳамкорликда **#Ёшхабардор: “Ёшлар коррупцияга қарши”** лойиҳаси амалга оширилмоқда ҳамда лойиҳа доирасида Жиззах, Қашқадарё вилояти, Қорақалпоғистон Республикасидаги ёшлар учун тренинглари ташкил этилди.

Ҳудудларда ННТларни жалб этишга қаратилган тадбирлар

2024 йилда **1 млрд 434 млн 400 минг сўмлик** грант танловлари (2023 йилда 266 900 000 сўм) эълон қилинди.

Маълумот учун: 2023 йилдан бошлаб илк марта ҳудудлардаги ННТлар учун грант ва ижтимоий буюртмалар эълон қилинди ҳамда унда ҳудудий ННТлар иштирок этиб, лойиҳаларни амалга оширди.



Маълумот учун: Тошкент шаҳри (грант лойиҳаларининг умумий қиймати 170 миллион) ва **Сирдарё** (50 миллион) вилоятидан грант лойиҳага аризалар келиб тушмаганлиги сабабли мазкур ҳудудларда фуқаролик жамияти институтлари ва оммавий ахборот воситалари вакиллариининг коррупцияга қарши курашишдаги иштирокини кенгайтиришга қаратилган лойиҳалар **амалга оширилмади**.

Грант лойиҳалари доирасида коррупцияга қарши фаол тарғибот-ташвиқот ишлари олиб борилди.

Жумладан, Адлия вазирлиги Фахрийлар Кенгаши Навоий вилояти бўлинмаси томонидан вилоятнинг барча туман ва шаҳарларида биттадан мактаб танлаб олиниб, вилоят адлия бошқармаси билан ҳамкорликда **11 та “Ҳуқуқ синфлари”** ташкил этилди. Мисол учун, Навоий шаҳридаги 22-сонли умумий ўрта таълим мактабида намунавий “Ҳуқуқ синфи” **ҳуқуқий адабиётлар ва тарғибот баннерлари** билан таъминланди.

Шунингдек, Хатирчи тумани ва Зарафшон шаҳридаги “Ҳуқуқ синфлари”га умумий қиймати **25 млн** сўмлик парта ва стол-стуллар харид қилинди. Грант лойиҳасини амалга ошириш давомида коррупция ҳолатларининг олдини олишга қаратилган **400 дан ортиқ** буклет ва флаерлар аҳолига етказилди.

“Тажриба майдони: жамоатчилик назорати субъектлари компетентлигини ошириш – ёшларни коррупцияга қарши курашиш руҳида тарбиялашда муҳим қадам” мавзусидаги грант лойиҳаси ғолиби бўлган “Ноила” ижтимоий кўмак, ҳуқуқий тарғибот ва мониторинг маркази томонидан ўтган йилнинг ноябрь-декабрь ойларида “Коррупцияга қарши курашишда жамоатчилик назоратининг роли ва аҳамияти” мавзусида ўқув семинарлари ташкил этилди.

Самарқанд вилояти ва **Қорақалпоғистон Республикаси**даги нодавлат нотижорат ташкилотлари тарғибот-ташвиқот тадбирларининг ноодатий усуллардан фойдаланишда алоҳида фаоллик кўрсатди.

“Жайхун илҳомлари” нодавлат нотижорат ташкилоти томонидан лойиҳа доирасида режиссёр Марс Нуратдинов бошчилигидаги ижодкорлар гуруҳи билан коррупциянинг давлат ва жамият тараққиётига салбий таъсири, порахўр ҳамда тамагир шахсларнинг тақдири ҳақида **саҳна асари** тайёрланди.

“Самарқанд ёшлар мультимедиа маркази” томонидан коррупциянинг олдини олиш, унга нисбатан иммунитет шакллантириш ҳамда ушбу жиноятга жазо муқаррар эканлигига оид **6 та** ижтимоий видеоролик тасвирга олинди.

9.3 Давлат органлари ҳузуридаги жамоатчилик кенгашлари фаолияти

Давлат ва жамият ўртасида таъсирчан ҳамда самарали мулоқотни йўлга қўйиш, давлат органлари фаолиятининг шаффофлигини, фуқаролик жамияти институтлари билан самарали ҳамкорлигини таъминлаш мақсадида Ўзбекистон Республикаси Президентининг **“Давлат органлари ҳузурида жамоатчилик кенгашлари фаолиятини ташкил этиш чора-тадбирлари тўғрисида”**ги ПҚ-3837-сон қарори билан вазирлик, идоралар, ҳокимликлар тизимида **жамоатчилик кенгашлари** фаолияти йўлга қўйилди.

Жамоатчилик кенгашлари фаолиятини янада такомиллаштириш мақсадида, Ўзбекистон Республикаси Президентининг 2024 йил 26 августдаги **“Фуқаролик жамияти институтларини давлат томонидан қўллаб-қувватлаш тизимини янада такомиллаштириш чора-тадбирлари тўғрисида”**ги ПФ-124-сон Фармони билан:

- ➔ Жамоатчилик кенгашлари раислари фуқаролик жамияти институтлари вакиллари орасидан тасдиқланиши;
- ➔ ҳар йили Жамоатчилик кенгашларининг фаолияти самарадорлиги баҳоланиб, натижалари эълон қилиниши;
- ➔ Жамоатчилик кенгашларининг фаол аъзолари давлат органининг бюджетдан ташқари маблағлари ҳисобидан моддий рағбатлантириб борилиши белгиланди.

Мазкур фармон ижроси бўйича Жамоатчилик кенгашлари фаолияти ўрганилганда, бир қатор камчиликлар аниқланган.

Хусусан, ўрганишларда **25 та** Жамоатчилик кенгашида ННТ вакиллари етарли таркибда иштирок этмаётганлиги, **3 та** Жамоатчилик кенгашида аъзолар сонининг белгиланган талаблардан (15 нафар) камлиги, **7 та** кенгаш раиси давлат хизматчилари орасидан тасдиқланганлиги аниқланган.

Масалан, Инвестициялар, саноат ва савдо вазирлиги (13 нафар), Қурилиш ва уй-жой коммунал хўжалиги вазирлиги (11 нафар) ва Саноат, радиация ва ядро хавфсизлиги қўмитаси (7 нафар) Жамоатчилик кенгаши аъзолари сони **15 нафардан** кам таркибда ташкил этилган.

Соғлиқни сақлаш, Энергетика, Ташқи ишлар, Камбағаллик ва бандлик вазирликлари, Оила ва хотин-қизлар қўмитаси, Маданий мерос агентлигида мазкур ташкилотлар ходимлари Жамоатчилик кенгашига раҳбар сифатида тайинланган.

Маълумот учун: Ўзбекистон Республикаси Президентининг 2024 йил 26 августдаги ПФ-124-сон Фармонида мувофиқ, Жамоатчилик кенгашлари раислари фуқаролик жамияти институтлари вакиллари орасидан тасдиқланиши лозим.

Ўзбекистон Республикаси Президентининг “Ўзбекистон – 2030” стратегиясини **“Ёшлар ва бизнесни қўллаб-қувватлаш йили”**да амалга оширишга оид давлат дастури тўғрисида”ги ПФ-37-сонли Фармонида мувофиқ, Агентлик томонидан ҳам **84 та** давлат органи ва ташкилотлари ҳузуридаги Жамоатчилик кенгашларининг белгиланган талабларда фаолият юритиши, маълумотларни очиқланиши мониторинг қилинганда, юқоридаги каби камчиликлар аниқланган.

Қонунчиликка кўра, Жамоатчилик кенгашларига давлат органи фаолияти самарадорлигини ошириш бўйича таклифлар ва тавсияларни ишлаб чиқиш, давлат органининг ахборотлари, статистика ва бошқа материалларини белгиланган тартибда олиш, давлат органи томонидан ишлаб чиқилган норматив-ҳуқуқий ҳужжатлар лойиҳаларининг жамоатчилик ва экспертлар муҳокамасини таъминлашда иштирок этиш каби бир қатор ҳуқуқлар берилган.

Бироқ, давлат органлари ҳузуридаги Жамоатчилик кенгашлари фаолияти асосан маданий-маърифий тадбирларда иштирок этиш билан **чекланиб қолмоқда**.

Давлат органлари фаолиятининг **“Очиқлик индекси”**ни баҳолаш доирасида Жамоатчилик кенгашлари тўғрисидаги маълумотларни расмий веб-сайтга жойлаштирилганлик ҳолати таҳлил қилинганида, Андижон, Жиззах ва Сирдарё вилоят ҳокимликлари расмий веб-сайтида Жамоатчилик кенгаши ҳақидаги маълумотларнинг жойлаштирмаганлиги, Соғлиқни сақлаш вазирлиги, Ташқи ишлар вазирлиги, Оила ва хотин-қизлар қўмитаси, Фарғона вилояти ҳокимлиги Жамоатчилик кенгашининг ташкилий-ҳуқуқий асосларини ишлаб чиқиб, белгиланган тартибда эълон қилинмаганлиги аниқланган.

10

КОРРУПЦИЯГА ҚАРШИ КУРАШИШ МИЛЛИЙ КЕНГАШИ ВА УНИНГ ХУДУДИЙ КЕНГАШЛАРИ

Коррупцияга қарши курашиш миллий кенгаши фаолияти

2024 йил давомида Коррупцияга қарши курашиш миллий кенгашининг **5 маротаба** Миллий кенгаш йиғилиши ташкил этилиб, йиғилиш натижалари бўйича Иш режа, чора-тадбирлар режалари тизимли равишда ишлаб чиқилди ва ижрога қаратилди.

Миллий кенгаш томонидан мамлакатда коррупциянинг олдини олиш ҳамда соҳалар ва ҳудудлар миқёсида превентив чораларни кучайтириш, “Коррупциясиз соҳа” лойиҳаларини ҳаётга татбиқ этиш, жамоатчилик назоратини кучайтиришга қаратилган иш режалари қабул қилиниб, уларнинг ўз вақтида амалга оширилиши таъминланмоқда.

Кенгаш йиғилишларида фуқаролик жамияти институтларининг коррупцияга қарши курашишдаги ролини кучайтиришга қаратилган, шунингдек, Қорақалпоғистон Республикаси, вилоятлар ва Тошкент шаҳар, Коррупцияга қарши курашиш ҳудудий кенгашлари малакасини оширишга оид семинарлар ўтказиш режа-жадвали, Коррупцияга қарши курашиш халқаро стандартларини Ўзбекистон Республикаси қонунчилигига имплементация қилиш бўйича чора-тадбирлар қабул қилинди.

Мазкур чора-тадбирлар ижроси натижасида:

- ➔ давлат органлари ҳузуридаги жамоатчилик кенгашлари фаолиятини ўрганиш якунлари муҳокама қилинди ва тегишли тавсиялар ишлаб чиқилди;
- ➔ давлат хизматида манфаатлар тўқнашуви ҳақида хабар бериш ва уни ҳал этиш тизимини жорий этиш бўйича ташкилий чора-тадбирлар режаси ишлаб чиқилди ва амалга оширилди;
- ➔ давлат органи ва ташкилотларининг коррупцияга қарши курашиш ишларининг самарадорлигини рейтинг баҳолаш ҳамда коррупциявий хавф-хатарларни аниқлаш натижалари муҳокама қилиб борилди;
- ➔ ёқилғи-энергетика, сув хўжалиги соҳасида, Энергетика вазирлиги тизимида коррупцияга қарши курашиш механизмларини такомиллаштириш бўйича дастурлар қабул қилинди;

- ➔ Ўзбекистоннинг коррупцияга қарши курашишга оид халқаро рейтинг ва индекслардаги ўрнини яхшилашга доир вазифалар белгиланди;
- ➔ Ўзбекистоннинг халқаро рейтинг ва индекслардаги ўрнини яхшилаш ва коррупцияга қарши курашишга оид давлат дастурлари ижроси бўйича ахборотлар эшитилди;
- ➔ 9-декабрь – Халқаро коррупцияга қарши кураш курашиш куні муносабати билан ҳар йили анъанавий тарзда **“Аксилкоррупция ҳафталиги”**ни ўтказиш белгиланди;
- ➔ Коррупцияга қарши таълим ва ёшларнинг имкониятларини кенгайтириш глобал ресурси (GRACE) дастурини Ўзбекистонда кенг жорий этиш бўйича “йўл харитаси” тасдиқланди.

Ахборотларда соҳада йўл қўйилаётган камчиликларга эътибор қаратилиб, уларни бартараф этишга қаратилган чора-тадбирлар белгиланди.

Худудий кенгашлар билан ишлаш

2024 йил давомида ҳудудий кенгашлар томонидан ўз фаолиятини ёритиш, коррупцияга қарши курашиш жараёнларига фуқаролик жамияти институти вакиллари фаол жалб қилиш бўйича ҳам бир қатор ишлар амалга оширилди.

Коррупцияга қарши курашиш ҳудудий кенгашлари учун очиқлик соҳасидаги қонунчилик ҳужжатлари ижроси, коррупциявий хавф-хатарларни аниқлаш ва баҳолаш, қонунчиликдаги бўшлиқлар ёки коррупцияга сабаб бўлувчи омилларни аниқлаш каби мавзуларга оид **8 маротаба** масофавий семинар машғулоти ташкил этилди.

Агентлик раҳбариятининг ҳудудларга **10 та** ишчи сафари амалга оширилди ва ҳудудлар фаолияти танқидий руҳда кўриб чиқилиб, натижалари бўйича фаолиятни такомиллаштиришга қаратилган таклифлар ишлаб чиқилди.

*2024 йил 4-чоракдан бошлаб, Агентлик ва БМТ Тараққиёт дастури ҳамкорлигида Тошкент шаҳрининг **Мирзо Улуғбек** тумани, Жиззах вилоятининг **Жиззах шаҳри**, Бухоро вилоятининг **Вобкент** туманида **“Шаффоф шаҳарлар”, “Ҳалол туманлар”** лойиҳаси ишга туширилди.*

Маълумот учун: «Шаффоф шаҳарлар» ва «Ҳалол туманлар» – бу идора ва ташкилотлар ичида коррупциянинг ҳар қандай кўринишини истисно этадиган ҳалоллик, шаффофлик ва ахлоқнинг юқори стандартлари амал қиладиган махсус яратилган ҳудудлардир. Ушбу лойиҳалар асосидаги методология Марказий ва Шарқий Европа ҳамда Жануби-Шарқий Европанинг 11 мамлакатида ўз самарадорлигини исботлаган.

Фарғона, Сирдарё, Қашқадарё, Навоий ҳамда Тошкент шаҳар ҳудудий кенгашларида Агентлик ва Бирлашган Миллатлар Ташкилоти Тараққиёт дастури ҳамкорлигида **“Коррупцияга оид мурожаатларнинг Ўзбекистонда коррупцияга қарши курашда таъсири”** мавзусида фуқаролар ва давлат органлари ходимлари ўртасида аноним сўров ўтказилди.

Фарғона, Сирдарё, Қашқадарё, Навоий ҳамда Тошкент шаҳар ҳудудий кенгашларида Агентлик ва Бирлашган Миллатлар Ташкилоти Тараққиёт дастури ҳамкорлигида **“Коррупцияга оид мурожаатларнинг Ўзбекистонда коррупцияга қарши курашда таъсири”** мавзусида фуқаролар ва давлат органлари ходимлари ўртасида аноним сўров ўтказилди.

Умуман олганда, 2024 йилда Коррупцияга қарши курашиш ҳудудий кенгашларининг тарғибот-ташвиқот қилиш, турли акция, флешмоблар ташкил этиш, фуқаролик жамияти институти вакиллари, ёшлар билан ишлаш масалаларида ўсиш кузатилди.

Ўз навбатида, коррупцияга қарши сиёсатни ҳудудда мувофиқлаштириш, соҳага оид ҳужжатларнинг жойлардаги ижросини таъминлаш устидан жамоатчилик назоратини ташкил этиш каби масалаларда ҳам фаоллик талаб этилади.

Шунингдек, коррупциявий вазиятдан ёки хавф-хатарлардан келиб чиққан ҳолда, давлат хизматчиларининг малакасини ошириш тизимини йўлга қўйиш, аҳоли ва давлат хизматчилари ўртасида ижтимоий сўровлар ва тадқиқотлар ташкил этиш ҳамда аниқланган муаммоларни бартараф этиш юзасидан тегишли таклифларни тайёрлаш бўйича ҳам зарурий чораларни кўришни тақозо этмоқда.

11

МИЛЛИЙ РЕЙТИНГ ВА ИНДЕКСЛАР

11.1 Коррупцияга қарши курашиш ишларининг самарадорлигини рейтинг баҳолаш

Давлат органлари ва ташкилотларининг коррупцияга қарши курашиш ишларининг самарадорлиги рейтинги шакллантирилди.

2024 йил якунлари бўйича **102 та** давлат ташкилоти фаолияти (жумладан, **14 таси** илк мартаба, **89 таси** эса такроран) рейтинг баҳоланиб, шундан **41 та** ташкилот фаолияти самарадорлиги “**яхши**” – (81-100 балл), **53 та** ташкилот “**қониқарли**” – (55-80 балл) ва **8 та** ташкилот “**қониқарсиз**” – (55 баллдан паст) тоифага ажратилди.

Рейтинг натижаларининг ҳолислигини таъминлаш мақсадида фуқаролик жамияти институтлари вакилларида иборат бўлган **Рейтинг баҳолашни мустақил амалга оширувчи экспертлар гуруҳи** томонидан баҳолаш натижалари мустақил ва ҳолис кўриб чиқилди ҳамда ҳулосалар тақдим қилинди.

*Таҳлилларга кўра, бу йилги рейтинг натижалари ўртача **73,8 баллни** ташкил этиб, 2023 йилга нисбатан **4,9 баллга** (**95 та** давлат ташкилоти ўртача **68,9 балл**), 2022 йилга нисбатан эса **14,3 баллга** (**62 та** давлат ташкилоти **59,5 балл**) яхшилانган.*

Шу билан бирга, 2023 йилги рейтинг баҳолашда “**қониқарсиз**” деб топилган **13 та** давлат ташкилоти фаолиятида аниқланган камчиликларни бартараф этиш юзасидан Агентлик билан ҳамкорликда амалга оширилган манзилли чора-тадбирлар натижасида уларнинг фаолиятида ҳам ижобий ўсиш кузатилди.



1. “Қониқарсиз” тоифадаги **8 та** ташкилот фаолиятида коррупциянинг олдини олишга қаратилган механизмларни жорий этиш бўйича сусткашликка йўл қўйилган.

Маълумот учун: Ҳазначилик хизмати қўмитаси (17 балл), Фармацевтика тармоғини ривожлантириш агентлиги (26 балл), “Фармацевтика маҳсулотлари хавфсизлиги маркази” ДМ (28 балл), “Давлат экологик экспертизаси маркази” ДМ (48 балл), “Ўзагролизинг” АЖ (53 балл), Давлат мулки объектларидан самарали фойдаланиш маркази (53 балл) илк баҳолашдан ўтказилган бўлиб, фаолияти қониқарсиз баҳоланган.

Мазкур ташкилотлар қуйидаги баҳолаш мезонлари бўйича чора-тадбирларни амалга оширмаган ёки бу ҳақда Агентликка маълумот тақдим этмаган:

- ➔ коррупцияга қарши тартиб-таомилларнинг самарадорлигини мониторинг ва назорат қилиш;
- ➔ ходимларнинг коррупцияга қарши курашиш бўйича билим ва кўникмаларини ошириш;
- ➔ аниқланган ва баҳоланган коррупциявий хавф-хатарларни минималлаштириш;
- ➔ ички назорат тузилмаси фаолиятини самарали ташкил этиш.

“Ўзбеккўмир” АЖ (48 балл) ўтган йили ижобий натижани (2023 йилда – 60 балл) қайд этган бўлишига қарамай, жорий рейтинг баҳолашда “қониқарсиз” тоифадан жой олди.

Агросаноатни ривожлантириш агентлиги фаолияти 9 балл билан (2023 йилда – 16 балл) кетма-кет икки йил давомида **“қониқарсиз”** деб баҳоланди.

Мазкур ташкилотлар раҳбарларининг коррупцияга қарши курашиш бўйича шахсий ташаббуси етарли эмаслиги, жавобгарлик механизмнинг белгиланмаганлиги ҳамда коррупцияга қарши курашиш тизимини самарали жорий этишга эътибор қаратилмаганлиги қониқарсиз баҳоланишига сабаб бўлган.

2. “Қониқарли” деб топилган **53 та** давлат ташкилоти фаолиятида коррупцияга қарши курашиш бўйича чоралар амалга оширилган бўлса-да, белгиланган тадбирлар ижросини назорат қилиш соҳасида камчиликлар мавжудлиги кузатилди.

Хусусан, ташкилотлар томонидан коррупциявий хавф-хатарларни камайтириш бўйича кўрилган, аҳолининг ҳуқуқий онги ва ҳуқуқий маданиятини юксалтиришга қаратилган тарғибот тадбирлари ўтказилганлиги тўғрисидаги маълумотлар баҳолаш жараёнида тақдим этилмаган.

3. Рейтинг баҳолаш тизимида энг юқори натижа **“Навоий кон-металлургия комбинати” АЖ** (96 балл), **Тоғ-кон саноати ва геология вазирлиги** (95 балл), **Марказий банк** (94 балл) томонидан қайд этилган.

Умуман олганда, рейтинг баҳолаш тизими коррупцияга қарши курашиш соҳасида белгиланган вазифаларни самарали мониторинг қилиш билан бирга соҳада соғлом рақобат муҳитини кучайтириш ҳамда ташкилот раҳбарларининг масъулиятини янада ошириш имконини берди.

Баҳолаш якунлари бўйича қуйидаги ишларни амалга ошириш **режалаштирилган**:

- 1** Долзарб аҳамиятга эга индикаторларни қўшиш, уларни соддалаштириш ва оптималлаштириш орқали рейтинг баҳолаш тизимини янада такомиллаштиришни назарда тутувчи норматив-ҳуқуқий ҳужжат лойиҳасини ишлаб чиқиш;
- 2** рейтинг баҳолаш натижаларига кўра **“яхши”** тоифадаги ташкилотларнинг ижобий тажрибасини оммалаштириш, **“қониқарли”** тоифадаги ташкилотлар фаолиятини янада яхшилаш, **“қониқарсиз”** тоифадаги ташкилотларда аниқланган камчиликларни бартараф этишга қаратилган чора-тадбирлар дастурини ишлаб чиқиш ҳамда унинг ижросини Коррупцияга қарши курашиш бўйича миллий кенгаш йиғилишларида эшитиш.

11.2 Давлат органлари ва ташкилотларининг очиқлик индекси

Ўзбекистон Республикаси Президентининг ПФ-154-сон Фармонида мувофиқ, **2024 йилда** давлат органлари ва ташкилотлари фаолияти очиқлигини таъминлашда эришилган ютуқлар ва йўл қўйилган камчиликлар таҳлил қилиниб, мақсадли индикаторлар асосида давлат органларининг **“Очиқлик индекси”** шакллантирилди.



Индексда жами **98 та** (2023-йилда – 103 та) давлат идоралари ва ташкилотлари фаолияти қамраб олиниб, **84 та** баҳолаш мезонидан таркиб топган **8 та** индикатор асосида баҳоланди.

Баҳолаш натижаларига кўра, **50 та** давлат органи **“яшил”** (2023 йилда 31 та), **34 таси “сарик”** (43 та) ва **14 таси “қизил”** (29 та) самарадорлик кўрсаткичларини қайд этган.

Ўтган йилга нисбатан **“яшил”** тоифада баҳоланган давлат идоралари миқёси **18 фоизга** кўпайиб, **“қизил”** тоифадагилар **15 фоизга** (ижобий ўсиш кўрсаткичлари бўйича) камайган.

(2023 йилдаги баҳолаш кўрсаткичларига нисбатан **“яшил”** тоифада баҳоланганлар **31 фоизга** кўпайган бўлса, **“қизил”** тоифадагилар **18 фоизга** (ижобий ўсиш кўрсаткичлари бўйича) камайган)

Энг юқори самарадорлик кўрсаткичлари **“Олмалиқ кон-металлургия комбинати” АЖ** (91 балл), **Солиқ қўмитаси** (90 балл), **“Ўзавтосаноат” АЖ** (89 балл) ва **“Навоий кон-металлургия комбинати” АЖ** (89 балл) томонидан кўрсатилган.

(**“Ўзсувтаъминон” АЖ**, Адлия вазирлиги ва Марказий банк (**84 балл**) **“яшил”**, Кадастр агентлиги ва Энергетика вазирлиги (**70 балл**), **“Ўзбектелеком” АҚ** (**69 балл**), Қорақалпоғистон Республикаси Вазирлар Кенгаши, **“Ўзбекистон темир йўллари” АЖ** ва Тошкент шаҳар ҳокимлиги (**67 балл**) **“сарик”**, Фарғона вилояти ҳокимлиги (**54 балл**), **“Худудий электр тармоқлари” АЖ** (**52 балл**), **“Тошшаҳартрансхизмат” АЖ** (**51 балл**), Кинематография агентлиги (**30 балл**) ва Андижон вилояти ҳокимлиги (**28 балл**) **“қизил”** тоифада баҳоланган)

Республика даражасида Фармацевтика тармоғини ривожлантириш агентлиги (32 балл), Гидрометеорология хизмати агентлиги (45 балл),

Оила ва хотин-қизлар қўмитаси (50 балл) ва Электр энергияси, нефть маҳсулотлари ва газдан фойдаланишни назорат қилиш инспекцияси (51 балл) **“қизил”** тоифада баҳоланган.



Ижтимоий аҳамиятга молик маълумотларнинг илғор хорижий тажрибага мос равишда очиқланиши ҳамда вакиллик органларининг сайловчилар олдидаги **ҳисобдорлик маданиятини** янги босқичга кўтариш имконини берди.

Мисол учун, 2024 йилда Парламент палаталарининг барча мажлислари (**55 та**) ва ҳудудий Кенгашлар томонидан ўтказилган **907 та** сессия, шунингдек, илмий кенгашларнинг **1.130 та** докторлик (PhD, DSc) илмий даражаларини ҳимоя жараёнлари телеканаллар ва Интернет тармоғи орқали жонли эфирга узатилди.

Кўрилган чоралар натижасида халқаро **“Open Data Inventory”** Очиқ маълумотлар рейтингда Ўзбекистон **70 балл** билан жаҳонда **30-ўринни**, Марказий Осиёда **1-ўринни** эгаллаган.

(Ушбу рейтингда Қозоғистон 51, Қирғизистон 92, Тожикистон 126, Туркменистон 195-ўринларда қайд этилган)



Хорижий экспертлар иштирокида очиқликни таъминлашга масъул ходимларни тизимли ўқитиш ва уларга услубий кўмак бериб бориш йўлга қўйилиб, **2024 йилда** ўтказилган **11 та** ўқув курсида **155 нафар** ходимнинг малакаси оширилди.

(Ўқув курсларининг 6 таси республика даражасидаги (95 нафар) ва 5 таси маҳаллий давлат ҳокимияти органлари (60 нафар) ходимларини қамраб олган.

Вазирлар Маҳкамасининг 2024 йил 30 декабрдаги **910-сон** қарори билан очиқликни таъминлаш соҳасидаги фаолиятни масофадан мониторинг қилиш тартиби тасдиқланиб, Низом асосида унинг барча тартиб-таомиллари белгилаб берилди.

Мазкур қарор билан ижтимоий аҳамиятга молик маълумотларнинг намунавий шакллари тасдиқланиб, ушбу тоифадаги ахборотларни очиқ эълон қилиш шаклига нисбатан **ягона ёндашув яратилди**.

IV

Очиқ индекси натижалари бўйича қуйидаги ишларни амалга ошириш режалаштирилган:

- ➔ “**Очиқлик индекси**” мезонларини такомиллаштириб, қайта алоқа тизими самарадорлиги ва очиқликни таъминлашга масъул ходимлар фаолиятини баҳолаш механизмларини қайта кўриб чиқиш;
- ➔ Очиқлик индекси жорий этилиши натижасида эришилган ижобий тажрибани янада оммалаштириш мақсадида баҳолаш жараёнларини қуйи тизимларда амалга ошириш. Жумладан, синов тариқасида Тошкент вилоятининг туман ва шаҳар ҳокимликлари фаолияти очиқлиги даражасини баҳолаш;
- ➔ аниқланган камчиликларни бартараф қилиш ва олдини олишга қаратилган ташкилий чора-тадбирларни **амалга ошириш**:
- а) “**яшил**” тоифада баҳоланган давлат органларининг очиқликни таъминлашга масъул ходимларини **рағбатлантириш бўйича** таклифлар тайёрлаш ва ваколатли органга киритиш;
- б) “**сарик**” тоифада баҳоланганларнинг очиқликни таъминлаш соҳасидаги фаолиятини янада яхшилаш бўйича тавсиялар ишлаб чиқиш;
- в) “**қизил**” тоифада баҳоланганларнинг очиқликни таъминлашга масъул ходимларини интизомий жавобгарлик масаласини қонунчиликда белгиланган тартибда кўриб чиқиш;
- г) “**қизил**” тоифада баҳоланган Ҳукумат тизимидаги идоралар раҳбарларининг ахборотини Вазирлар Маҳкамаси Раёсатида ва бошқа ташкилотлар раҳбарларининг ахборотини Олий Мажлис Сенати мажлисларида эшитиш. Шунингдек, камчиликларни бартараф этиш ва ушбу йўналишдаги фаолиятини яхшилаш бўйича **комплекс чора-тадбирлар** дастурини ишлаб чиқиш.

12

МАМЛАКАТДА КОРРУПЦИЯ ДАРАЖАСИ БЎЙИЧА ЖАМОАТЧИЛИК ФИКРИ

Агентлик ва “Ижтимоий фикр” маркази ҳамкорлигида **аҳоли ўртасида ҳар йили ижтимоий** сўровномалар ўтказиб келинмоқда.

Маълумот учун: Жамоатчилик фикри сўрови 2022 йил 19-20 апрель кунлари Республиканинг барча ҳудудида 1110 нафар, 2023 йил май-октябрь ойларида 2063 нафар, 2024 йил 15 апрелдан 13 майга қадар 1103 нафар респондентлар иштирокида ўтказилган. Мазкур 3 йиллик тадқиқот давомидида жами 4276 нафар респондент иштирок этган.

Сўровда **коррупция, унинг тарқалганлик кўламлари** ва турли вазирликлар, идораларнинг **коррупцияга мойиллиги**, шунингдек, **аҳолининг** ҳукумат томонидан коррупцияга қарши курашиш соҳасида **кўрилаётган чораларга муносабати** ўрганилди.

Сўнгги 3 йиллик сўров натижаларига кўра, Ўзбекистонда коррупция тарқалганлик даражаси **“юқори”** деб ҳисобловчи респондентлар улуши **36 фоиздан 31 фоизга** камайди.

*Жамиятда коррупцияни қораловчи ва унинг салбий оқибатларини англаб етган респондентлар улуши **20 фоизга** (72 фоиздан 91 фоизга) ортди.*

*Коррупция ҳолатларига дуч келганда ҳуқуқни муҳофаза қилувчи органларга хабар берган фуқаролар улуши 2022 йилда **3,6 фоиздан**, 2024 йилда **11,5 фоизга** ошди.*

Жамиятда коррупцияни қораловчи ва унинг салбий оқибатларини англаб етган респондентлар улуши **20 фоизга** (72 фоиздан 91 фоизга) ортди.

Коррупция ҳолатларига дуч келганда ҳуқуқни муҳофаза қилувчи органларга хабар берган фуқаролар улуши 2022 йилда **3,6 фоиздан**, 2024 йилда **11,5 фоизга** ошди.

Сўровларга кўра, **коррупциявий муносабатларга энг мойил**, коррупциянинг юзага келиши хавфи юқори бўлган соҳалар сифатида 2024 йилда **соғлиқни сақлаш (24 фоиз), олий таълим (21), мактабгача ва мактаб таълими (9 фоиз), бандлик (9) ва қурилиш (7)** эканлиги қайд этилган.

2021 йилда **солиқ, божхона ва маҳаллий ҳокимликлар** коррупция кенг тарқалган соҳалар сифатида қайд этилган бўлса, 2024 йилда мазкур соҳалар респондентлар томонидан коррупциялашган соҳа сифатида белгиланмаган.

2024 йилда Агентлик ҳамда БМТ Тараққиёт дастури ҳамкорлигида **“Коррупцияга қарши курашда коррупция ҳақида хабар беришнинг ўрни ва таъсири”** мавзусида сўровнома ўтказилди.

Сўровномада фуқароларнинг коррупцияга оид ҳуқуқбузарлик ҳақида хабар бериш билан боғлиқ тасаввурлари ва тушунчалари, шунингдек, масъул идораларга хабар беришдаги муаммолар, бу бўйича тўсқинлик қилаётган асосий омиллар баҳоланди.

Сўровда иштирок этган респондентларнинг **74,0 фоизи** коррупция ҳолатлари ҳақида хабар беришга ва **82,2 фоиз** электрон платформа ёки мобиль илова орқали хабар беришга тайёрлигини билдирган.

Лекин, коррупция ҳолатлари ҳақида хабар бермасликнинг асосий сабаблари сифатида **коррупциядан ўзлари манфаатдорлиги** (19,8%) ва **кимга мурожаат қилишни билмаслигини** (20,4%) қайд этишган.

Шу билан бирга, респондентларнинг **13,8 фоизи** миннатдорлик сифатида совға беришни оддий ҳол деб ҳисобласа, **7,4 фоизи** эса бундай ҳаракатларни **коррупция ҳолати деб ҳисобламаслигини** таъкидлаган.

Таҳлилларга кўра, фуқаролар билан бевосита муносабатга киришадиган соҳалар (таълим, соғлиқни сақлаш, коммунал, бандлик), коррупцияга мойил эканлиги ва коррупция хавф-хатарлар юқорилиги маълум бўлмоқда.

Таҳлилларга кўра, фуқаролар билан **бевосита муносабатга киришадиган соҳалар** (таълим, соғлиқни сақлаш, коммунал, бандлик), коррупцияга мойил эканлиги ва коррупция хавф-хатарлар юқорилиги маълум бўлмоқда.

Ҳудудлар бўйича **Самарқанд, Фарғона ва Тошкент** вилоятлари аҳолиси коррупция ҳолатларига **кўп дуч келганлигини** ва мамлакатда коррупция **юқори** даражада тарқалганлигини таъкидлаган.

Қорақалпоғистон Республикаси, Жиззах, Бухоро, Наманган, Сирдарё ва **Хоразм** вилоятларида коррупция юқори деб ҳисобловчи респондентлар улуши камайган.

Тадқиқот натижалари таҳлиliga кўра, коррупциявий муносабатлар пайдо бўлишининг **бешта** асосий сабаби қуйидагилардан иборат:

- ➔ фуқароларнинг ўз масалалари ёки муаммоларини **қонунни четлаб ўтган ҳолда ҳал этишга интилиши**;
- ➔ фуқароларнинг қонунлар ва ўз ҳуқуқларини яхши билмаслиги;
- ➔ очкўзлик, ваколатларга эга бўлган айрим шахсларнинг **текин даромад олишга интилиши**;
- ➔ **даромадлар даражасининг пастлиги**, иқтисодий омиллар, жамиятнинг табақаланиши;
- ➔ мансабдор шахслар фаолияти устидан фуқаролик жамияти томонидан ўрнатилган **жамоатчилик назоратининг сустлиги**.

Жамоатчилик фикрига кўра, **иш ҳақини ошириш**, ёшлар орасида **коррупцияга қарши дунёқарашни шакллантириш**, ҳуқуқбузарликлар учун **жазони қатъийлаштириш**, фуқароларнинг **ҳуқуқий онгини ошириш** каби чоралар коррупцияга қарши курашиш ва унинг олдини олиш учун энг самарали эканлиги қайд этилди.

Умуман олганда, респондентлар томонидан мамлакатда коррупцияга қарши курашиш сиёсати ижобий баҳоланиб, шу билан бир қаторда бу борадаги чора-тадбирларини кучайтириш лозимлиги таъкидланмоқда.

13

ХАЛҚАРО РЕЙТИНГ ВА ИНДЕКСЛАР

Коррупцияга қарши курашиш соҳасидаги халқаро рейтинг ва индекслардаги Ўзбекистоннинг ўрни яхшиланди.



“Transparency International” халқаро ноҳукумат ташкилоти томонидан **2024 йил якунлари** бўйича Коррупцияни қабул қилиш индексида Ўзбекистон **180 та** давлат орасида **32 балл** билан **121-ўринни** эгаллади, ўтган 2023 йилга нисбатан **1 баллга** (2023 йилда 33 балл билан 121-ўрин) **камайган** ҳолда эгалланган ўрнимиз ўзгаришсиз қолган, лекин сўнгги етти йилга солиштирганда эса – **37 поғона** юқорилаган.

Россия – 13 поғона (154-ўрин), Белоруссия 16 поғона (114-ўрин), Қирғизистон 5 поғона (146-ўрин) ҳамда Тожикистон – 2 поғона (164-ўрин) пасайган.

Маълумот учун: СРнинг **услугиёти** давлат ва хусусий секторда коррупция даражасини акс эттириб, ундаги маълумотлар экспертлар баҳолари, ОАВ ва ижтимоий тармоқлардаги маълумотлар, ишбилармон доиралар вакиллари ўртасида ўтказилган сўровномалар натижасида тўпланади ҳамда ҳар йили ёки икки йилда **12 та** халқаро ташкилотнинг **13 та** (Ўзбекистон **9 та** манба бўйича баҳоланади) янгиланиб бориладиган манбаларига асосланади.

Таҳлилларга кўра, мазкур рейтингда ўрнимиз яхшиланиб бораётганлиги айрим индикаторлардаги **ижобий** тенденция билан боғлиқ бўлса-да, айрим индикаторларда **турғунлик** ёки **камайиш** тенденцияси ҳисобига 2024 йилда Ўзбекистон ўрни ўзгаришсиз қолган.

Сўнгги **4 йилда** Коррупцияни қабул қилиш индекси **9 та** манбасининг **4 тасида** **ижобий** ва **5 тасида** эса **салбий** тенденция кузатилмоқда.

Манба номи	2021	2022	2023	2024	фарқи
Bertelsmann Foundation Transformation Index	29	29	29	30	+ 1
Economist Intelligence Unit ташкилотининг Мамлакатлар рейтинг	20	20	20	18	- 2
Freedom House ташкилотининг “Ўтишдаги мамлакатлар” рейтинг	24	24	24	18	- 6
Global Insight ташкилотининг “Бизнес муҳити ва хавф кўрсаткичлари” ҳисоботи	35	35	35	32	- 3
CPIA - world Bank “Мамлакатлар сиёсий ва институционал баҳолаш” ҳисоботи	27	35	35	39	+ 12
World Justice Project ташкилотининг “ҳуқуқ устуворлиги индекси”	36	37	37	38	+ 2
“Демократия турлари (V-Dem)” лойиҳаси	25	25	19	18	- 7
Давлат хатарлари халқаро баҳоси (PRS International Country Risk Guide)	0	41	48	51	+ 10
Жаҳон иқтисодий форуми (World Economic Forum EOS)	0	0	49	47	- 2

Изоҳ: Жаҳон иқтисодий форуми индикатори, янги индикатор сифатида 2023 йилдан қўшилган.

Масалан, очиқлик ва ҳисобдорлик, сиёсий, иқтисодий ва молиявий хавфларни бошқариш, коррупцияга қарши кураш сиёсатини юритиш индикаторларида сезиларли **ижобий ўзгаришга** эришилган бўлса (+ **24 балл**), демократия, журналистларнинг эркинлиги ва хавфсизлиги, жамоатчиликни коррупцияга қарши курашишда фаоллиги индикаторларида **салбий (- 13)** натижа қайд этмоқда.

“Transparency International” маълумотларига асосан Шарқий Европа ва Марказий Осиё минтақасидаги ўн тўққиз мамлакатдан ўн бештаси (*Ўзбекистон ҳам шулар жумласидан*) коррупцияга қарши курашишда турғунлик ёки муваффақиятсизликка учрамоқда.

Бунга қуйидагилар сабаб сифатида кўрсатилган:

- ➔ демократик институтлар ва қонун устуворлигининг заифлиги, давом этаётган беқарорлик ва ташқи босимлар;
- ➔ ҳукуматлар коррупцияга қарши энг оддий чораларни ҳам амалга ошира олмаганлиги;
- ➔ кўпгина давлатларда сиёсий молиялаштириш, лоббизм фаолиятини ошқор қилиш ёки манфаатдор мулкнинг шаффофлигини назорат қилувчи қонунлар етарли эмаслиги, баъзиларида эса умуман йўқлиги;
- ➔ ҳукуматлар катта қийматли стратегик инвестицияларни назорат қилишдан қочиш учун махсус қонунчиликдан фойдаланиб, жамоат манфаатларини эътиборсиз қолдиришлари;
- ➔ минтақадаги аксарият давлатларда ҳукуматнинг бошқа тармоқлари ва манфаатдор гуруҳлар номақбул таъсир кўрсатиши сабабли юқори даражадаги коррупцияни таъқиб қила олмаглиги;
- ➔ ҳатто демократик давлатларда ҳам сайлов жараёнларида ҳукмрон партиялар ноаниқ молиялаштириш ва ҳокимиятни қўлга киритиш учун қоидаларни манипуляция қилишдан фойдаланишлари тобора кучайиб бораётганлиги.

1. Коррупцияга қарши курашиш соҳасидаги **бошқа рейтинг индексларда** ҳам Ўзбекистоннинг ўрни ўтган йилга нисбатан **пасайиши** кузатилмоқда.



World Justice Project

1. “World Justice Project” ташкилотининг Ҳуқуқ устуворлиги индексида (Rule of law) Ўзбекистон **142 та** давлат орасида **49 балл** тўплаб, **83 ўринни** эгаллади. Ўтган йилга нисбатан **1 баллга** камайиб, ўрнимиз **5 поғонага** пасайган (2023 йилда 50 балл билан 78-ўрин).

Ҳуқуқ устуворлиги индексида **8 та** индикатор (ҳукумат ваколатларининг чекланганлиги, **коррупциянинг мавжуд эмаслиги**, **ҳукумат очиқлиги**, фундаментал ҳуқуқлар, тартиб ва хавфсизлик, қонунларга риоя қилиш, фуқаролик одил судлови ва жиноий одил судлов) ва 44 та субиндикатордан иборат.

Субиндикатор номи		2023	2024	фарқи
Ҳуқуқ устуворлиги индексида	балл	50	49	-1
	ўрин	78	83	-5
Ҳокимият органлари ваколатларининг чекланганлиги	балл	38	37	- 1
	ўрин	119	116	+ 3
Коррупция мавжуд эмаслиги	балл	47	47	
	ўрин	66	68	- 2
Ҳокимият институтларининг шаффофлиги (очиқлиги)	балл	37	38	+ 1
	ўрин	119	117	+ 2
Асосий ҳуқуқларни ҳимоя қилиш	балл	45	44	- 1
	ўрин	109	108	+ 1
Тартиб ва хавфсизлик	балл	90	90	
	ўрин	17	17	
Қонунларга риоя қилиш	балл	45	44	- 1
	ўрин	99	103	- 4
Фуқаролик ҳуқуқи соҳасида одил судлов	балл	52	51	- 1
	ўрин	74	74	
Жиноий одил судлов	балл	44	45	+ 1
	ўрин	71	70	+ 1



“Trace bribery risk matrix” порахўрлик матрицасида Ўзбекистон 2024 йилда 57 балл билан (*1 баллдан 100 баллгача баҳоланади, 1 балл – энг ижобий*) 194 та давлат ичида 134-ўринни эгаллади. Ўтган йилга нисбатан **+1** баллга ортган лекин, -4 ўринга пастлаган (2023 йилда 58 балл билан 130-ўрин).

Маълумот учун: “*Trace bribery risk matrix*” етакчи фуқаролик жамияти институтлари, халқаро ташкилотлар, жумладан, БМТ, Жаҳон банки, Готенбург университети қошидаги V-Dem институти ва Жаҳон иқтисодий форумидан олинган тегишли маълумотларни жамлаган ҳолда 194 дан ортиқ мамлакатларда бизнес юритиш давомида порахўрлик хавф-хатарларини баҳоловчи индекс ҳисобланади.



Жаҳон Бошқарув сифати индикаторлари (WGI) коррупцияни назорат қилиш йўналишида Ўзбекистон -0,81 балл билан 213 та давлат орасида 161 ўринни эгаллаган (2021 йилда -1,05 балл билан 176 ўрин).

Маълумот учун: Жаҳон Бошқарув сифати индикаторлари Жаҳон банки томонидан 200 дан ортиқ мамлакат учун 6 йўналишда юритиладиган рейтинг ҳисобланади.

Аҳоли фикрини инobatга олиш ва ҳисобдорлик		Сиёсий барқарорлик ва зўравонлик/терроризмнинг мавжуд эмаслиги		Ҳукумат самарадорлиги		Тартибга солиш сифати		Ҳуқуқ устуворлиги		Коррупцияни тийиб туриш	
Балл (+/-)	Ўрин (+/-)	Балл (+/-)	Ўрин (+/-)	Балл (+/-)	Ўрин (+/-)	Балл (+/-)	Ўрин (+/-)	Балл (+/-)	Ўрин (+/-)	Балл (+/-)	Ўрин (+/-)
-1,40 (+0,13)	182 (+12)	-0,24 (+0,19)	130 (+19)	-0,20 (+0,33)	116 (+22)	-0,58 (+0,40)	144 (+33)	-0,89 (+0,19)	168 (+13)	-0,81 (+0,24)	161 (+15)

2. Коррупцияга қарши курашиш соҳасидаги рейтингларда Ўзбекистон натижалари пасайган бўлса-да, **очиқлик бўйича рейтингларда** мамлакатимиз ўрни сезиларли даражада яхшиланиб бормоқда.



“Open data inventory” рейтингига Ўзбекистон 2024 йил натижаларига кўра, **83 балл** билан **195 та** давлат ичида **12 ўринни** эгаллаб, 2022 йилга нисбатан 18 поғонага яхшиланди. (2022 йилда **70 балл** билан **30-ўрин**).

Ўзбекистон Марказий Осиёда 1-ўринни эгаллади, хусусан, Қозоғистон **44-ўрин**, Қирғизистон **92-ўрин**, Тожикистон **100-ўрин**, Туркменистон баҳоланмаган.

Маълумот учун: Open data watch халқаро ташкилоти давлат органлари ва ташкилотлари томонидан эълон қилиб бориладиган очиқ маълумотларнинг сифати ва халқаро стандартларга мос равишда эълон қилинишини ҳар 2 йилда баҳолаб боради.

2024 йилда коррупцияга қарши курашиш бўйича превентив механизмларни янада кенг жорий этиш, коррупциянинг оқибатлари билан эмас, унинг олдини олишга қаратилган ишларни кучайтириш йўналишида қатор чоралар амалга оширилди.

ХУЛОСА

Жумладан, манфаатлар тўқнашувининг олдини олиш механизмлари ишлаб чиқилиб, қонун билан тартибга солинди, барча давлат хизматчиларининг коррупцияга қарши курашиш бўйича билимини оширишга оид мажбурий тартиб ўрнатилди, давлат органлари фаолиятини рақамлаштириш юзасидан комплекс чора-тадбирлар амалга оширилди.

Сўнгги йилларда коррупциянинг олдини олиш борасидаги ишлар натижадорлиги Ўзбекистон Республикаси Президенти Шавкат Мирзиёев иштирокида Коррупцияга қарши курашиш миллий кенгашининг йиғилишида муҳокама қилиниб, келгусидаги устувор вазифалар белгиланди.

Давлат раҳбари томонидан коррупциянинг олдини олиш ва унга қарши курашиш бўйича аниқ тизим яратилганлиги, алоҳида қонунлар қабул қилинганлиги, энг муҳими, жамиятда коррупция муаммосини жамоатчилик муҳокамасига олиб чиқадиган очиқ тизим, очиқ муҳит яратилгани, айниқса, оммавий ахборот воситаларининг бу борадаги ўрни ва таъсири ортиб бораётганлиги қайд этилди.

Ер ажратиш, қурилиш, олий ўқув юртларига ўқишга кириш, болани мактабга ва мактабгача таълим муассасасига жойлаштириш, йўл ҳаракати хавфсизлигини таъминлаш, кредит ажратиш, тадбиркорлар фаолиятига ноқонуний аралашуш масалаларидаги **ислохотлар** ва **рақамлаштириш ишлари** мазкур жараёнларда коррупциянинг кескин камайишига хизмат қилганлиги таъкидланди.

Шу билан бирга, ҳуқуқни муҳофаза қилувчи органлар ҳали ҳам коррупциянинг оқибатлари билан курашиб келаётганлиги, коррупцияга қарши курашиш ички назорат тузилмаларининг коррупциявий омилларни аниқлаш ва бартараф этишда масъулияти сезилмаётганлиги, Агентликнинг ҳудуд ва соҳаларда коррупция муаммосини чуқур ўрганмаётганлиги, Парламентнинг коррупцияга қарши курашишдаги ўрни етарли даражада эмаслиги, давлат харидларида коррупция хавф-хатарлари юқорилиги, маиший коррупция (коррупция жиноятларининг 75 фоизини ташкил қилмоқда) аҳолининг давлатга бўлган ишончини пасайтираётганлиги танқид қилинди.

Умуман, коррупцияга қарши курашишни туман-маҳалла даражасигача тушириш, бу борада кенг жамоатчилик билан ҳамкорликда **“Ҳамма бир ёқадан бош чиқариб”** ишлайдиган тизим яратиш бўйича топшириқлар берилди.

Давлат раҳбарининг коррупцияга қарши курашиш бўйича сиёсий иродаси ва муросасиз муносабати келгусида айтилган йўналишдаги ислохотлар изчил давом этиб, бу жараёнларда иштирок этувчи субъектлар доираси янада кенгайишини кўрсатмоқда.

Шунингдек, давлат органлари ва ташкилотлари Агентликка кўмакчи бўлиб, ўз тизимида коррупциянинг олдини олишга ҳаракат қилмаса, йил якунида Коррупцияга қарши курашиш миллий кенгаши ва Агентлик тақлифига асосан ташкилот раҳбарларига нисбатан чора кўрилиши белгиланди.

Коррупцияга қарши курашиш борасидаги ислохотларни давом эттириш ҳамда Ўзбекистон Республикаси Президенти Ш.Мирзиёев томонидан берилган топшириқлар ижросини таъминлашда қуйидагилар келгусидаги устувор вазифалар ҳисобланади:

- 1** Давлат харидлари соҳасида коррупция хавф-хатарларини камайтириш, хусусан, тўғридан-тўғри харидларни 2 баробарга қисқартириш, нарх талабларини бузганлик учун жавобгарлик белгилаш, қонунбузилишларини аниқлашга сунъий интеллект технологияларини жорий этиш;
- 2** Коррупцияга қарши ички назорат тузилмалари фаолиятини самарадорлигини ошириш, мустақиллиги, фаолиятини баҳолаш мезонлари ва ўқитишга оид талабларни белгилаш;
- 3** Агентлик ва масъул давлат органлари билан биргаликда соҳаларда энг пастки бўғингача тушган ҳолда коррупция омилларини аниқлаб, бартараф этиш тизимини йўлга қўйиш;
- 4** Давлат хизматчиларининг даромадлари ва мол-мулкини декларация қилиш тизимини амалиётга жорий этиш;
- 5** Вазир ва ҳокимлар лавозимига номзодлар кўриб чиқиладиганда уларнинг коррупциянинг олдини олиш бўйича режасини Олий Мажлис палаталари ва Халқ депутатлари кенгашларида кўриб чиқиш;
- 6** Коррупция жиноятларининг аниқ рўйхатини белгилашни назарда тутувчи қонун лойиҳасини ишлаб чиқиш;
- 7** Коррупцияга қарши курашиш соҳасида фуқаролик жамияти институтларининг иштирокини янада кенгайтириш ва илмий тадқиқотларни қўллаб-қувватлаш;
- 8** Давлат хизматчиларини ишга қабул қилиш жараёнини очиқ ва шаффоф ўтказишни таъминлаш, давлат хизматчилари реестрини белгилаш, кадрларни коррупцияга мойиллик даражасини ўрганиш бўйича янги тизимни жорий этиш;
- 9** Олий Мажлис палаталарининг парламент назоратини ўрнатишдаги масъулиятини янада ошириш, жумладан, ҳудудларда коррупцияга қарши курашиш борасида амалга ошириладиган ишлар юзасидан давлат органлари раҳбарларининг ҳар ойда ҳисоботини эшитиб, муҳокама қилиб борилишини таъминлаш;
- 10** “Тарбия” фани доирасида ўқувчиларга ҳалоллик, бировнинг ҳаққига хиёнат қилмаслик каби эзгу ғояларни содда тилда тушунтириб бориш.



ЎЗБЕКИСТОН RESPUBLIKASI
KORRUPSIYAGA QARSHI
KURASHISH AGENTLIGI

2024-YILDA DAVLAT ORGANLARI VA TASHKILOTLARIDA KORRUPSIYAGA QARSHI KURASHISH ISHLARINING SAMARADORLIGINI REYTING BAHOLASH NATIJALARI

BALL	YAXSHI 81 ballidan 100 balligacha	BALL	QONIQARLI 55 ballidan 81 balligacha	BALL	OLIA VA KATIN-QILDIR QO'MITASI
96	"Navyo kon-metallurgiya kombinati" AJ	86	"Hududiy elektr tarmoqlari" AJ	73	"Uzbekistan Airways" AJ
95	To'g'i kon sanoati va geologiya vazirligi	85	Yoshlar ishlati agentligi	73	Andijon viloyati hokimligi
94	Markaziy bank	85	"Yalq bank" ATB	73	Sog'liqni saqlash vazirligi
92	Soliq qo'mitasi	85	"O'zbekiston kon-metallurgiya kombinati" AJ	73	Ipakchilik va jun sanoatini rivojlantirish qo'mitasi ***
92	"O'zbekneftgaz" AJ	85	"O'zbekneftgaz" AJ	72	Qashqadaryo viloyati hokimligi
92	"Uzbekistan Airways" AJ	84	"O'zbekneftgaz" AJ	72	O'rmon xo'jaligi agentligi
91	Baqaril texnologiyalar vazirligi	84	"O'zbekneftgaz" AJ	71	Intellektual mulkni ta'min muassasasi agentligi
91	Kambag'illikni qisqartirish va bandlik vazirligi	84	"O'zbekneftgaz" AJ	71	Elektr energiyasi, neft mahsulotlari va gazdan foydalanishni nazorat qilish inspeksiyasi
90	"Hududga'ta'minat" AJ	83	"O'zbekneftgaz" AJ	70	"Moqbank" ATB
90	Axborot va ommaviy kommunikatsiyalar agentligi	83	"O'zbekneftgaz" AJ	70	Qoniqsizlik
90	O'rmonlarni qaytaritish va himoyalash agentligi	83	"O'zbekneftgaz" AJ	70	55 ballidan past
89	Transport nazari inspeksiyasi	82	"O'zbekneftgaz" AJ	69	"O'zbekneftgaz" AJ
89	"Tashqi iqtisodiy holatlar milliy banki" ATB	82	"O'zbekneftgaz" AJ	69	Davlat mulki obyektlaridan samarali foydalanish markazi
89	"O'zbekiston sanoat-qurilish banki" ATB	82	"O'zbekneftgaz" AJ	69	"O'zbekneftgaz" AJ
88	Sport vazirligi	82	"O'zbekneftgaz" AJ	68	"O'zbekneftgaz" AJ
87	"O'zbekiston temir yo'llari" AJ	82	"O'zbekneftgaz" AJ	68	"O'zbekneftgaz" AJ
86	Qurilish va uy-joy kommunal xo'jaligi vazirligi	82	"O'zbekneftgaz" AJ	67	"O'zbekneftgaz" AJ
86	Adliya vazirligi	82	"O'zbekneftgaz" AJ	66	"O'zbekneftgaz" AJ
86	Energetika vazirligi	81	"O'zbekneftgaz" AJ	65	"O'zbekneftgaz" AJ
86	"O'zbekneftgaz" AJ	81	"O'zbekneftgaz" AJ	63	"O'zbekneftgaz" AJ

* O'zbekiston Respublikasi Prezidentining 24.02.2025-yildagi 19-son Farmoni bilan O'zbekiston Respublikasi Prezidenti huzuridagi Sotatila agentligi O'zbekiston Respublikasi Milliy Markazi bilan qo'mitani aloqada tashkil etilgan.
** O'zbekiston Respublikasi Prezidentining 20.02.2025-yildagi 18-son Farmoni bilan Qashqadaryo viloyati huzuridagi Ipakchilik va jun sanoatini rivojlantirish qo'mitasi tuzilgan.
*** O'zbekiston Respublikasi Prezidentining 20.02.2024-yildagi 18-son Farmoni bilan Qashqadaryo viloyati huzuridagi Qashqadaryo viloyati hokimligi huzuridagi Agrar sanoati rivojlantirish agentligi tashkil etilgan.

DAVLAT ORGANLARI VA TASHKILOTLARIDA OCHIQLIK BO'YICHA AMALGA OSHIRILAYOTGAN ISHLARNING SAMARADORLIGI VA NATIJADORLIGINI BAHOLASHGA QARATILGAN OCHIQLIK INDEKSI-2024



TASHKILOTLAR		BAL	TASHKILOTLAR		BAL
1. "O'lmaliq kon-metallurgiya kombinati" AJ	24. Innovatsion rivojlanish agentligi	81,4 ▲	51. Kadastri agentligi	70,7 ▲	70,7 ▲
2. Soliq qo'mitasi	25. Qo'riqlash va uy-joy kommunal xo'jaligi vazirligi	81,3 ▲	52. Buxoro viloyati hokimligi	70,4 ▲	70,4 ▲
3. "O'zavtosanoat" AJ	26. "O'zbekneftgaz" AJ	81,2 ▲	53. Energetika vazirligi	70,1 ▲	70,1 ▲
4. "Naryn kon-metallurgiya kombinati" AJ	27. Raqqadaro rivojlanish va istirodchilar huquqlarini himoya qilish qo'mitasi	80,9 ▼	54. "O'zbektelekom" JSC	69,9 ▲	69,9 ▲
5. "Uzbekistan Airways" AJ	28. Ekologiya, atrof-muhitni muhofaza qilish va iqlim o'zgarishi vazirligi	80,6 ▲	55. "O'ztransgaz" AJ	69,9 ▲	69,9 ▲
6. Transport nazorati inspeksiyasi	29. Tog'-kon sanoati va geologiya vazirligi	80,6 ▲	56. Sudyalar oliy kengashi	69,7 ▲	69,7 ▲
7. Oliy ta'lim, fan va innovatsiyalar vazirligi	30. Kon'uzsajaga qarshi kurashish agentligi	80,5 ▲	57. O'rmon xo'jaligi agentligi	69,0 ▲	69,0 ▲
8. "O'zsanolqurilish" ATB	31. Kon'uzsajaga qarshi kurashish agentligi	80,5 ▲	58. "O'zbekiston milliy elektr tarmoqlari" AJ	68,3 ▲	68,3 ▲
9. "Isdigiqlik elektr stansiyalari" AJ	32. AT "Jalq banki"	79,3 ▼	59. Qozilqo'riqlash Respublikasi Vazirlari Kengashi	67,7 ▲	67,7 ▲
10. Bojxona qo'mitasi	33. "Agrobank" ATB	78,7 ▼	60. "O'zbekiston temir yo'li" AJ	67,6 ▼	67,6 ▼
11. "O'zbekgidroenergo" AJ	34. Qashqadaryo viloyati hokimligi	78,6 ▲	61. Toshkent shahar hokimligi	67,6 ▲	67,6 ▲
12. "O'zsuviarminor" AJ	35. "Bosniy rivojlanish banki" ATB	77,0 ▲	62. Sanitariya-epidemiologik oziq-ovqat va jamoat salomatligi qo'mitasi	67,2 ▲	67,2 ▲
13. Adliya vazirligi	36. Ichki ishlar vazirligi	76,6 ▲	63. O'zbekiston temir jihaatlari tarmog'iga solish agentligi	66,6 ▼	66,6 ▼
14. Raqqadaro rivojlanish va telekommunikatsiyalar bo'limi nazorat inspeksiyasi	37. Avtomobil yo'llari qo'mitasi	76,1 ▲	64. Qashqadaryo viloyati hokimligi	65,4 ▲	65,4 ▲
15. "O'zavtosanoat" AJ	38. "Turonbank" ATB	76,0 ▼	65. Namangan viloyati hokimligi	65,4 ▲	65,4 ▲
16. "O'zavtosanoat" AJ	39. Navoiy viloyati hokimligi	75,4 ▼	66. Din ishleri bo'yicha qo'mita	64,6 ▲	64,6 ▲
17. Markaziy bank	40. Kimyoviy sanoat qo'mitasi	74,9 ▲	67. Davlat statistika boshqarmasi agentligi	64,4 ▼	64,4 ▼
18. Xorazm viloyati hokimligi	41. Suv xo'jaligi vazirligi	74,9 ▲	68. Aksiyadorlik tijorat "Alqobank"	63,9 ▲	63,9 ▲
19. "O'zavtosanoat" AJ	42. "Hududgastraminor" AJ	74,5 ▲	69. Bilim va mahoratni baholash agentligi	63,9 ▲	63,9 ▲
20. "O'zavtosanoat" AJ	43. Samarqand viloyati hokimligi	74,0 ▲	70. "O'zmilliybank" AJ	63,4 ▼	63,4 ▼
21. Sport vazirligi	44. Oliy sud	73,7 ▼	71. Iqtisodiyot va moliya vazirligi	62,9 ▲	62,9 ▲
22. Yoshlar ishlari agentligi	45. "O'zbekgash" AJ	72,6 ▼	72. Fiqulodda vaziyatlar vazirligi	62,6 ▲	62,6 ▲
23. Maktabgacha va maktab ta'limi vazirligi	46. O'zbekiston Respublikasi Vazirlari Kengashi	72,3 ▲	73. Madaniy meros agentligi	62,2 ▲	62,2 ▲
	47. Toshkent viloyati hokimligi	72,1 ▲	74. Surxondaryo viloyati hokimligi	60,2 ▲	60,2 ▲
	48. Transport vazirligi	71,8 ▲	75. Davlat xizmatini rivojlantirish agentligi	59,8 ▼	59,8 ▼
	49. "O'zbekkomir" AJ	71,4 ▼	76. "Uzbekistan Airways" AJ	59,6 ▼	59,6 ▼
	50. "Mikrokreditbank" ATB	71,4 ▼			
71 BALDAN 100 BALGACHA BO'LGANDA — "YASHIL"			55 BALDAN 71 BALGACHA BO'LGANDA — "SARIQ"		
			55 BALDAN PAST BO'LGANDA — "QIZIL"		
			* REYTINGGA YANGI QO' SHILGANLAR		

TASHKILOTLAR

BAL

77. Madaniyat vazirligi	59,3 ▲
78. Sog'liqni saqlash vazirligi	59,2 ▲
79. Turlim qo'mitasi	58,6 *
80. Investitsiyalar, sanoat va savdo vazirligi	58,0 ▼
81. "Toshahartransgaz" AJ	57,8 ▲
82. Agrisanoat majmui usidan nazorat qilish inspeksiyasi	57,4 ▼
83. "O'zavtosanoat" AJ	56,8 *
84. Tashqi ishlar vazirligi	55,7 ▲
85. Veterinariya va chorvachilikni rivojlantirish qo'mitasi	55,5 ▲

